

韓

集

箋

正

明東吳徐氏東雅堂韓集臧書者家置一編蓋以朱子考異止辨正諸本異同暨蒲
田方氏舉正所從之當否未暇它及也以考異散附正文句下自王禹偁始稍有議
疏不爲駁備建安魏本廣據案說又未免失之太繁惟此本錄考異之文節取魏本
各注易于循覽耳但徐氏所采實用南宋廖瑩中世採堂本瑩中爲賈似道門客學
問蕪淺所採輯多不精審又經徐氏重刻例不標注家姓名往往有强彼就比膠葛
不清者則亦未得爲善本也珪於此集悉心研悅積有年所其所援引必爲尋究本
源其人物爵里及韓子一生出處則考之新舊唐書司馬溫公通鑑皇甫持正碑誌
李習之行狀程致道歷官記呂洪二年譜參互鉤稽實事求是文苑文粹亦旁資校
證焉并酌錄何義門讀書記陳少章韓集點勘王惺齋讀韓記疑顧僕君方扶南各
詩注以廣見聞間附鄙論質之大雅此後續有所得當更曾益其所不逮云昔
道光辛丑上元日瑞安雪齋方成珪識

韓集箋正

校東雅堂本

瑞安雪齋方一

邑後學陳

卷首

李漢序 至後漢曹魏氣象萎爾 爾王留畊本作蕭文粹同當从之謝靈運過始寧墅詩疲爾慙貞堅注引莊子齊物論蕭然疲役司馬彪曰蕭極貌也奴結切先生生於大歷戊申 王本注或無於字 教人自爲注左氏成公二年其自爲謀也則過矣爲下僞切 按教人自爲謂文必己出不以剽掠潛竊爲工也爲當如字讀注及音並非 古詩二百一十多二首今計目錄 律詩一百六十三首今計多 雜著六十五今計少書啟序九十六今計八首 少哀詞祭文三十九今計二首 少碑誌七十六今計少一 首筆硯鱸魚文三今增送窮文爲四 表狀五十二今計五首 少總七百今計有六 百注或作七百一十六或作七百二十八方氏考其數皆不合 按李序所列之數惟賦四聯句十一與目錄同餘皆互異故曰考其數皆不合也 又有注論語十卷傳學者

陳少章曰張水部祭韓子詩魯論未訖注手跡猶微茫則此云十卷者乃未成之書也今所傳論語筆解出後人僞託愚按世傳筆解止二卷晁氏讀書附志云今本李曰原本實作翫曰或卽習之所編次而附以己說與

敍說 萬怪遑惑 按遑當作惶

目錄 秋懷十首

按當云十一首 岐山下一首 諸本同然子自實作二首與

總目異何也

第十卷律詩凡八十首 今計止七十八首

徐泗濠三州節度

掌書記廳石記

據子自濠當作豪 祭虞部張員外 下脫祭河南令張員外

一題第二十
二卷

第二十三卷祭張給事 此題衍

相權公墓銘 題上脫故字

尉國哀表

尉當作慰雖尉慰古通然標目可不必然也

遺文目錄

嘲軒睡六首 六當作二

池上絮 下脫監軍新竹亭記一題

疏憲宗崩慰

諸道 王本無此題及下題名七題

嵩山先封宮 先當作天

卷一

賦

感二鳥賦

題注五月東歸遇所獻二鳥感而作公之賦見於集者四云云蘇語雖

少貶然進學解所云不虛矣

姚令威

愚按注本姚氏集注感而作下原注有公進

學解春秋謹嚴等十句下接今其詞賦見於集者四云云今既刪去則進學解所云不虛句爲無根且蘇說本非篤論均可從芟

念西路之羌永注羌乃發語之

詞施之句內似亦未安考異按羌固楚人發語之詞然亦有施之句內者九歌山鬼篇杳冥冥兮羌晝晦卽其證也

汨東西與南北注汨說文水流也汨音聿祝

按汨音覓又音骨此音聿當從臼作汨又說文汨訓治水其訓水流者玉篇之說也恒十年而不居注選詩徒倚恒漏窮翠正此顏延年直東宮答鄭尚書詩也

汲古閣文選恒誤作悼何義門刊本已改正矣况策名於薦書注策方从閻杭

作桀朱子云策字俗體與桀字絕相似故閻本作桀按策名委質語見左僖二

十三方作桀名自謬又方从閻本及李謝校作桀云杭蜀只同今文則杭本仍作

策也此杭字係傳寫之誤觀朱子語但舉閻本可見矣庶無美於斯類注惟神

堯以一族取天下而後世子孫不能以天下取河北以爲憂樊汝霖而當作兮

復志賦愈旣從隴西公平汴州序唐書世系表漢江都相董仲舒少子之孫自

廣川徒隴西裔孫徙河東晉爲河中虞鄉人正河東郡也稱隴西從其朔耳又公受晉恩最深故終身不名且不著其姓云居悒悒之無解兮注悒悒不安也一切經音義四引字林同誠坎輶而艱難注選坎輶多辛苦祝句未詳所出選古詩輶輶長苦辛輶與坎通過洞庭之漫漫注蔡按唐地理志洞庭在岳州巴陵縣郭璞注山海經云洞庭地穴湖水廣圓五百餘里日月若出沒於其中也郭注山海經中山經洞庭之山云今長沙巴陵縣西又有洞庭陂潛伏通江又海內東經湘水入洞庭下云洞庭地穴也在長沙巴陵今吳縣南太湖中有包山下有洞庭穴道潛行水底云無所不通號爲地脈蔡氏所引未見閱時俗之所服注閔杭作闕非是按舉正閔閣本作闕不謂杭本也謂青紫其可拾注視韓彭之豹變韓彭當作彭韓朝聘鷺乎書林兮夕翶翔乎藝苑注班固賓戲云眞婆娑乎藝術之揚云云韓注楚詞朝聘鷺乎江臯舉正眞字衍藝術當作術藝聘鷺乎之乎當作兮諒却步以圖前兮注是猶郤步而欲求及前人不可得也棄也當作已吾何爲乎涉之都注十三年丙子秋從董晉入汴州晉辟署校書郎爲

汴宋濬潁泗州觀察推官

蔡注

十三年當作十二年濬潁泗州當作毫潁四州

誰無施而有獲注今按此句本用楚詞孰無施而有報孰不殖而有穫之語

考異見

九章抽思篇王逸本楚詞殖作實朱子集注謂實當作殖按秀而不實見魯論似亦不必改字也 有肆志之揚揚注史記晏嬰傳志氣揚揚

舉正

志氣今史記作

意氣

閔已賦 在隱約而平寬注文王幽而演易

補注

文王當作西伯 望夫人其已遠

注作還作者非 補注謂望顏子也注下作字衍

別知賦 余取友於天下將歲行之兩周蔡注公自興元元年甲子以中原多故避地江南至貞元十九年癸未凡二十年矣故云兩周 此賦作于貞元二十年甲申蔡傳卿注既差一年謂始興元元年甲子亦無確據王惺齊讀韓記疑謂自建中間始證以歐陽詹哀辭然哀辭明曰就食江南未接人事止聞膚名不得逮謂取友當從陳少章說始貞元二年入都之歲爲得其實也 卒爛漫而同流注或作瀾漫云○漫莫牛切又謨官切大水也 魏本祝廷賓注瀾漫並大水也上卽肝切下莫半切瀾一作爛非所校最爲尤當蓋下既有同流字則瀾字不應从火

此注顛倒錯謬不可讀蓋傳錄之譌耳 樹蔚蔚其相摻注前漢觀衆木之蔚
也祝 見司馬相如傳木本作樹宋人避英宗嫌名而改之耳 雲浩浩其常浮
注雲漫漫兮奇色補注兮本作而 知來者之不可以數注楚辭哀時命篇徠者不
可與期蔡淵明歸去來辭知來者之可追韓數頗也論語朋友數斯疏矣祝 魏
本孫注來者謂儀之下哀去此而無由公自言何由可以去此解義甚明不知徐
氏何以舍此而取蔡韓祝三家之謬說也論語數訓煩濶亦與此數字異義

元和聖德詩 題注憲宗紀永貞元年八月卽位明年正月改元元和楊惠琳據夏
州叛三月辛巳夏州兵馬使周承全斬惠琳傳首以獻韓 按楊惠琳叛在永貞
元年十一月注繫元和元年正月非是周承全新舊史及溫公通鑑皆作張承金
當改正詩中降幡夜豎注同 序誅流姦臣注永貞元年八月庚子憲宗卽位又
十一月貶中書侍郎平章事韋執誼爲崖州司戶孫 庚子當作乙巳蓋以庚子
日頒詔內禪而受冊卽位實在乙巳也是月丁酉朔庚子初四日乙巳初九日韋
執誼先貶崖州司馬後貶司戶憲紀宰相表及公實錄皆可考注既繫永貞元年
十一月是初貶也司戶當改司馬 鄭天告廟神靈歡喜風雨晦明無不從順

舊史憲宗紀元和二年春正月己丑朔上親獻太清宮太廟辛卯祀昊天上帝於郊正先是將及大禮陰晦浹辰宰臣請改日上曰郊廟事重齋戒有日不可遽更享獻之辰景物晴霽人情欣悅據此則郊天告廟四語乃實錄也不足以自效爲解注自左傳請以曹爲解正請當作謂有盜在夏注先是德宗建中間李希烈朱泚等反至是楊惠琳劉闢繼踵而起焉韓按有盜在夏專指楊惠琳也舊史夏州節度韓全義入朝其甥楊惠琳知留後據城叛韓注並列劉闢誤矣汝

鼓汝鼓注春秋傳云伐鼓于社伐擊也孫詩采芑伐鼓淵淵振旅闢闢補既不用伐字此兩注當刪夕至其部注上初嗣位未能計孫計當作討以紅帕

首注方云荊公本音麥潮本亦然方言注絡頭帕頭也音陌今多讀作莫轄切或作抹字蓋二音通讀考異今按集韻帕莫白切無莫轄音抹莫葛切帶也方說誤

珪按集韻十五鎔帕莫轄切抹音同方說不誤朱子偶失檢耳日行三十注賈

捐之傳云吉行五十里師行三十里孫吉行下當補日字殷其如阜注殷安也

孫殷訓安未詳按殷殷盛兒史記蘇秦傳輞輞殷殷若有三軍之衆義當用此取之江中注崇文遂入自城都孫自字衍城當作成體骸擣柱說文櫟衰

挂也徐鉉等曰今俗別作擰非是字當从木不从手 扶珪綴組 扶粹作枅按
集韻入聲二十三錫枅與枅同漢書揚雄傳枅人之珪公當用此綴組雲臺見南
史張充傳 施令酬功急疾如火注十月賜文武官勳爵韓 官下脫階字賜文
武官階勳爵乃元和二年正月辛卯事見新史憲紀注繫元年十月似誤 區外
雜虜注鎮州常山縣 縣當从魏本作郡 開揭磊珂注選金玉磊珂祝 金當
作水見司馬相如上林賦郭注磊珂魁碧貌也 獸盾騰擎注擎說文云牽引也
楚辭殺亂兮紛擎擎女加切祝 汲古閣說文擎牽引也从手奴聲女加切擎持
也从手如聲亦女加切段懋堂本校正曰擎牽引也从手如聲女居切擎持也从
手奴聲女加切如此分析則兩字音義判然矣注引楚詞王逸九思句當从女居
切作擎漢書霍去病傳漢匈奴相紛擎史記作擎擎字是也 旂常婀娜注曹植
曰華容婀娜補 洛神賦婀作娜王留耕本正文及注並同然考說文婀乃本字
也 日君月妃注禮記君之與后猶日之與月韓前漢李零傳日者衆陽之宗輝
光所燭補 禮記昏義君作天子李零傳宗作長輝作輝 濱鬼濛鴻注選濛鴻
沈范祝 句見揚雄羽獵賦實作鴻濛漢書雄傳同當引江文通丹砂可學賦貫

濛鴻而上厲 嵩祇堯峨注後漢增槃堯峨祝句見班固傳西都賦汲古本堯只
作業文選作增盤崔嵬何羲門校云後漢書作增槃堯峨注云堯峨高也堯五臘
反是羲門所見之本與祝氏同當以之校正毛刻 飫沃蕡蕡注或云當飫厥
當下脫作字 境落褰舉注褰或作褰 按褰常作簾 濑濯剗礪 山海經西
山經錢來之山其下多洗石郭注澡洗可以礮體去垢垢 一似堯禹注蓋取禮
記一似重有憂者洪 今禮弓作壹古通用 奉太皇后注憲宗母昭憲皇太后
王氏孫 昭當作莊以新舊紀校改

將歸操 題注 至於河西聞竇鳴犧舜華之死也蓀 西當作而 按竇鳴犧孔
叢子作鳴犧犧見孔叢子記問篇魏本蔡注引作鳴犧竇犧此誤脫竇字 蜀
本於注云上增又曰二字舉注云當作注文 此効蔡邕作十操考異 効俗字當
作效 狄之水兮其色幽幽注 河水至東阿茌平等縣東北流四瀆津考異 茄當
作茬說文作戕从艸杜聲仕留切濟北有茌平縣段大令云茌俗作茌按今趙誠
夫水經注釋亦誤 濟水受河又沛瀆自河入濟水徑周通故有四瀆之名考異
按水經濟皆作沛玉篇沛古文濟字此沛瀆之沛蓋略存其形而誤也又水經注

自河入沛自沛入淮自淮達江水徑周通放有四瀆之名朱子刪去自沛入淮自淮達江八字則所以名四瀆津之故未明孔子臨河歎而作歌曰狄之水兮風揚波舟楫顛倒更相加歸來歸來胡爲斯考異 狄之水水經注作狄水衍無第三句斯于欽齊乘引作期然此皆齊地今在濟鄆之間史記以爲孔子自衛將西見趙簡子則其道不當出此考異 今在于欽齊乘作在今當从之齊乘又云漢陳留郡平邱縣有臨濟亭故狄也蓋濟水出陶邱北南被孟豬北瀆注巨野亭臨此瀆故曰臨濟春秋時狄人據此因以名焉此水夫子所歌至王莽時枯竭水經所謂濟枯渠注巨野者也其自巨野至四瀆津與河合流者乃齊之清河水經所謂得其通稱者是也漢千乘郡別有狄縣安帝更名臨濟唐又別以漢東都陽縣爲臨濟今章邱之臨濟鎮也朱子蓋疑於此云按此條引見趙本水經注卷五潔水下可以釋考亭之疑因備錄如右

猗蘭操 題注 世人闇蔽孫 世樂府解題作時 雪霜賈賈注禮記賈賈然來祝雪霜粹作霜雪賈說文貝部作賈徐鍇繫傳賈猶亂也交互之義廣韻去聲五十侯賈交易也禮弓賈賈注目不明之貌與此異義

龜山操 題注 龜山在泰山博縣 縣下當補北字 孔子曰吾歌可夫曰樊夫

下魏本有歌字當据補 季子曰樊 子當作氏 以羣婢也樊 婢下脫故字

不能雲雨注一作爲雨雲或作爲 此杭本也注冗複當刪一句

拘幽操 題注 憂勤勤兮 王本作憂勤勤兮當從之 天王聖明注徐仲車言

退之拘幽操謂文王囚羑里作 謂當作爲

岐山操 伊我承序考異漢書多云朕承天序是也 漢書成帝紀可以承天序郊

祀志下帝王之事莫大乎承天之序霍光傳不可以承天序至朕承天序句僅見

於董賢傳考異多字衍或朕字衍

履霜操 題注伯奇編水荷而衣樊 王本水作芟郭戌倩樂府解題同 誰說碩

兮知此冤孫 句疑有誤方氏世舉本作誰能流顧兮知我冤語較明顯然不知

其何所本也樂府解題惟碩作顧餘同孫注

雉朝飛操 題注 木犧子所作樊 木王本亦作牧 雄雄羣遊於山阿 於王

本作兮顧俠君本從之然樂府解題及魏本只作於 羣雌粥粥注粥粥或謂字

當作舛杜詩難話舛雞翁注 按舛當从口不从四見說文二篇口部口音噴况

袁切杜詩奉寄河南韋尹丈人難作誰當改正

別鵠操 樂府解題作別鵠操陳少章謂鵠鵠本一字古通用累按說文鵠鴻鵠也
胡沃切鵠下各切淮南子覽冥訓鴻鵠鵠鵠班固西都賦鳥則玄鵠白鷺黃鵠鷺
鵠左思吳都賦鵠鵠鷺鴻鵠鵠皆鵠與鵠並舉似不可謂一鳥也 題注
穆子聞之孫 穆作牧諸本同蓋題義正文作穆子而古今注自作牧子也孫注
不誤此傳錄之誤耳 攬衣不寐食忘飧後遂爲夫妻孫 諸本同惟古今注原
文寐作寢後遂爲夫妻句古今注無之不知何人所增秀整艸堂本改遂爲還想
係臆定此殆用左傳隱元年遂爲母子如初之文也但無如初二二字意殊未足耳
且可繞樹相隨飛注李陵詩長當爲此別且復立斯須又古樂府與子如黃鵠
將別復徘徊亦此意也舉正 爲此別之爲當作從與子二語乃劉孝綽江津寄劉
之遴詩非古樂府也

南山詩 題注王平甫以謂南山勝北征洪 謂當作爲 海浴褰帷喝注史記中
行人面鳥囁祝 見趙世家行當作衍 訏許昭乾寶注又侵及東北乾位故云
陷乾寶也孫 陷當作陷東北當从王本作西北乾西北之卦也見說卦若東北

則艮位非乾位矣 踊躍蹠猿狽注楚辭猿狽雞處兮虎豹嗥祝 雜處王注楚

辭及文選劉安招隱士篇皆作羣嘯 巨靈與夸娥注自冀之南漢之東無隴斷
焉矣

自下脫此字當据列子天問篇補 塞生拘愁注直物督而自若祝 按
集韻通作叢簪樊 睽當改愁若當改苦又集韻五十候叢下引說文云鳥子生

哺者不與拘通當作叢今本作叢亦誤簪下从目不从月 達林壯復奏注盧全

月蝕詩頭戴弁冠高達林舉 此言朱雀也唐詩紀事作丹冠爲是諸本作弁冠

亦通或作井冠則無理矣 顧呵勞頸脰 呵當作呵 條閃雜鼯鼴注爾雅云

鼯馳夷山 此爾雅釋鳥文也注鼴當作鼠又正文條當作條 後鈍嗔詎諭注

玉篇訛詰說也詰說言不正也祝 兩詰字當从魏本作詰 或如火燭焰

焰當作焰舉正焰作煽云从唐本及李謝校按煽字較焰爲勝考異不載何也

闔闔樹牆垣 大雅崇墉言言毛傳言言高大也禮玉藻二爵而言言斯注言言

與闔闔同蓋古闔言嘗皆通用 闔闔屋搘當 管子小問篇闔然止注住立兒

史記匈奴傳闔然更始注安定意公詩義當用此搘疑垂字之譌禮玉藻頤露注
頤如屋露之垂也作垂義爲勝然無本可校姑仍之 芬苾降歆嗅注或作獻依

字當作獸 汝下獸字當作鯀說文鯀鼻就臭也

謝自然詩 冠樓同蛻蟬注楚辭濟江海兮蛻蟬祝楚詞王褒九懷陶壅篇實作蟬

蛻 趕翫莫逢旂注昔夏之方有德也云云楚

云云二字衍

此禍竟連連注

莊駢母篇又奚連連如膠漆纏糾補注

纏糾當作纏索

狐狸騁妖患

楚辭九

章抽思篇茲歷情以陳辭兮蓀詳聲而不聞固切人之不媚兮衆果以我爲患賈
誼羈賦忽然爲人兮何足控搏化爲異物兮又何足患張華鵠鵠賦動翼而逸投
足而安委命順理與物無患古患字多音還焦贛易林患字亦皆叶平聲

秋懷詩十一首 蕭蘭共雕悴注荀子勞苦彫悴正舉

荀子子道篇悴作萃舉正原

文同 卽此是幽屏注選張衡曰雜挿幽屏就此則陶潛歸去來辭覺今是昔非

之意 挿當作插句見左思吳都賦非張平子語李善注云謂生處也又曹植出

婦賦途靡穎而失望退幽屏於下庭皆公詩意所本昔非之昔當作昨 王事有

朝請注孟康日律春曰朝秋曰請楚日當改曰 不如意文字 說文覩从見盧

聲庄下从且此作且非 所要石與甃注西漢揚雄傳家無甃石之儲

揚雄

傳家產不過十金乏無儋石之儲不作甃注儋石解見蒯通傳而蒯通傳亦只作

僧不知孫氏所據何本 吹燈當我前 按淮南說山訓或吹火而然或吹火而滅 所以吹者異也 此用吹然之義 望舒贊其圓注張載曰望舒四五圓補注 張詩圓作圓此張協字景陽雜詩非孟陽語當改正 敗虞千金奔注以天屬者迫窮禍患害相報也華 報當依莊子山木篇原文作收

赴江陵途中寄贈三學士 題注故公詩自陽山赴江陵因詩序其得罪之由韓
詩序之當作特 掉臂莫肯酬注史記馮譴補注 譴當作驕 親逢道邊死注漢書何處求子死且古語又有直如弦死道邊之說考異 樂府解題何處求子死漢書酷吏尹賞傳何處作安所直如弦二語見後漢五行志順帝末京師童謡 前日遇恩赦注貞元二十一年正月乙巳順宗卽位孫 按是年正月無乙巳當作丙申月之二十六日也公實錄亦可證 何況親犴獄注漢書義曰鄉亭獄曰犴祝 義上脫昔字亭下脫之字 凉風日脩脩 脩當作修樂府魏武帝塘上行邊地多悲風樹木何修修晉樂所奏作蕭蕭是古修與蕭音義皆通 昨者京師至 京師當从諸本作京使 嗣皇傳冕旒注謂憲宗卽位貞元二十一年八月也按憲宗於貞元二十一年八月丁酉朔受內禪卽改是年爲永貞元年是永貞

元年無七月貞元二十一年無八月也卽位之日乙巳係八月九日 琥珮鳴環
璆注周禮以玄璜禮北方書厥貢惟璆琳琅玕孫按三禮圖凡玉佩有雙璜孫以
天子禮神之璧當之非是所引禹貢衍惟字 政理同毛轄 政當從王本魏本
作致對偶方整 自從齒牙缺方慕舌爲柔注淮南子老子學商容見舌而知柔
注云商吐舌示老子又劉向說苑常搥有疾又老子曰舌之存也豈非以其柔乎
夫齒之亡也豈非以其剛乎集注 舌當从干其从千者音括今多誤寫見舌而知
下脫守字吐舌上脫容字搆當从木作搆說苑敬慎篇文子上德篇並同舌之存
也句上當補夫字下齒上夫字當刪 解網祝蛛蝥注湯兒設網者四面韓網當
改網 寥氣銷斗牛注其夕斗間氣不復見唐 唐注斗下脫牛字 明月非暗
投注引離陽書又衆莫不按劍相眄者孫 離當改鄒眄當改眄
岐山下二首 丹穴五色羽其名爲鳳皇注山海經丹穴之山有鳥狀如鶴五色而
文名曰鳳是鳥也見則天下大安寧樊按經訓堂本南山經鶴作雞色作采天下
下無大字當据原書校正

此日足可惜贈張籍 維時月魄死注漢律歷志死魄也生魄望也韓志下兩魄
皆作霸師古曰霸古魄字同 州家舉進士選試繆所當 按籍祭公詩云北游
偶逢公盛語相稱明公領試士司首薦到上京謂此也 主人願少留注時李元
爲河陽節度使土人謂元也孫 按李元本名長榮德宗賜名元淳永貞元年十
二月以避憲宗御名改淳州爲蠻州還淳縣爲青溪縣淳風縣爲從化縣姓淳于
者改姓于元淳之改名元當卽在此時 黃昏次汜水注汜水在河南成臯縣韓
詩江有汜祀 按祝注當刪 驚波暗合沓 李白九日登山詩連山似驚波合
沓出溟海正公詩所本也 甲午憩時門 左傳昭十九年龍門于鄭時門之外
洧淵杜注洧水出滎陽密縣東南至潁川長平入潁滎陽卽唐鄭州滎陽郡密縣
屬焉龍朔二年以縣改屬河南府潁川長平唐景雲初爲西華縣屬陳州淮陽郡
東西出陳許 東西當從王本魏本作東南元和郡縣志汴州東南至陳州三
百一十里許州東南至陳州二百六十里許密迺於陳而曰陳許者節度使以陳
許名故也 角角雄雉鳴注角音谷見集韻舉正 按集韻入聲一屋哈雉鳴或从
角作喚至四覺之角則引說文訓獸角訖岳切無音谷者 宅我睢水陽注徐泗

濠節度使張建封孫 濠當作豪 詩尾注按此篇押二光字二鳴字二更字二狂字蔡 篇中尙有二城字二江字蔡說不及想亦用杭蜀本也

幽懷 繁吹蕩人心注禮記命樂師大合樂祝 合樂當作合吹

歸彭城 許謨者誰子 時爲相者賈耽崔損鄭餘慶也 食芹雖云美獻御固已

癡注列子宋有田夫喜食芹者對鄉豪稱之鄉豪取而嘗之輒於口慘於腹衆晒而怨之其人大慙祝 按列子楊朱篇宋國有田夫常衣蘊廣自繫於日顧謂其妻曰負日之暄人莫知者以獻吾君將有重賞里之富室告之曰昔人有美戎菽甘枲莖芹萍子者對鄉豪稱之云云則食芹非宋田夫事也祝注誤 驚顧似轄雌注枚乘曰日暮則迷鳥羈雌宿焉孫據七發當作羈雌迷鳥 遇酒卽酩酊注時有童子歌曰又倒著白接籬蔡 童子本傳作童兒籬當作籬

醉贈張祕書 軒鶴避雞羣注今按此言張籍學古淡而不驚於綺靡如以乘軒之鶴而反避雞羣也又軒鶴乃與天葩之句相偶考異 驚當作驚又下脫作字 賴

知書八分注鍾繇爲之章程書無蓋八分之後又分此法謂之八分蔡 為當作謂八分之後當作八體之後八體者一大篆一小篆三刻符四蟲書五摹印六署

書七爻書八隸書也又樊注謂隸書卽今八分亦誤隸書乃今之真書行書周越
書苑蔡文姬言割程隸八分取二分割李篆二分取八分於是爲八分書任玠五
體序亦云八分酌乎篆隸之間唐六典校書郎正字所掌字體有五一古文二大
篆皆不用三小篆印璽旗旛用之四八分石經碑刻用之五隸書典籍表奏公私
文疏用之則隸卽今楷字非八分明甚澤之亦沿歐陽集古錄之說而誤耳 諧
笑方云云 莊子在宥篇萬物云云注盛兒前漢書汲黯傳上曰吾欲云云師古
注猶言如此如此也按公詩當用莊義 高詞媿皇墳注書序伏羲神農皇帝之
書謂之三墳樊 皇當作黃

送惠師 乃是不羈人注使不羈之士與牛馬同皂韓 漢書鄒陽傳馬作驥皂當
阜文選同 金鷗既騰翥注隋康孟詠日詩韓 康孟當作孟康 懸瀑垂天紳注
宋之間詩雨巖天作帶雲鑿樹披衣正 按此宋延清早入清遠峽詩也原本雨
作兩雲作萬觀上聯云雨色搖丹嶂泉聲聒翠微則此不應複出雨字明甚季申
所引大約誤本耳

送靈師 題注此詩貞元十九年復在連州陽山作也云王員外者仲舒也仲舒時

亦謫連州司戶 復當作後公于貞元二十年春抵陽山故舉正定爲二十年作

謫與謫同

佛法入中國爾來六百年注此詩據漢明帝時言之耳孫杜致行守

編補

後漢明帝永平八年乙丑遣使至天竺得佛書及沙門至唐貞元二十年

甲申實七百四十年公方痛恨浮屠之禍不應減其年數也按桓帝紀論設華蓋

以祠浮屠老子而祠黃老於濯龍宮始延熹九年浮屠之祠大約卽在其時自延熹九年丙午至貞元甲申亦六百三十八年矣言六百舉成數耳蓋明帝時佛法雖入中國然楚王英外奉其道者不多至百姓傾風紛紛成俗實由桓帝信從所

致公詩意殆如此故下卽繼以齊民逃賦役云云參觀西域天竺國傳謂百姓奉佛始桓帝時尤其明驗矣守編當作守約編 六博在一擲注楚詞宋玉招魂寬

蔽象恭韓

寬當作寬 峴廬叱迴旋注宋劉毅與劉裕樗蒲毅以爲不能裕惡

之因按五木既而四子俱黑其一子轉躍未定裕厲聲喝之卽成虛毅意殊不快也韓又廣韻操了樗蒲采名祝 晉書劉毅傳毅與劉裕樗蒲擲得雉大喜繞牀

叫曰非不能盧不事此耳裕惡之因按五木久之曰老兄試爲卿答旣而四子皆黑云云韓氏刪節太過遂至不成文理又誤晉爲宋接爲按均當改正了當作子

廣韻二十二元操操子操同 開忠二州牧注魏道輔謂二牧韋處厚白居易也
二公出守在元和末此詩作於貞元二十年間考其時非也正 鮑刻魏道輔臨
漢隱居詩話趙暭江云開牧唐次忠牧李吉甫也按次字文編貞元八年竇參貶
官次坐出爲開州刺史在巴峽間十餘年不獲進用吉甫字宏憲亦以竇參故出
爲明州員外長史久之遇赦刺忠州六年不徙官詩故並云失職也次吉甫新舊
唐書皆有傳 落落王員外注謂王仲舒自戶部員外郎貶爲連州司戶 戶部
當从王本作吏部唐志吏部員外郎一人掌判南曹故下有手持南曹敍之句
古氣參彖繫注方作象今接杜詩前哲垂彖繫考異 杜宿鑿石浦詩前哲作聖哲
縣齋有懷 自許連城價注願以十五城價請易璧孫注價字衍 初隨計吏貢注
漢武帝元光六年徵吏民有明當世之務令與計偕計謂上計吏簿也孫 檢本
紀六年當作五年吏簿當作簿使 屢入澤宮射注禮記諸侯歲貢士於天子樊
射義貢上有獻字 侯生或遭罵注睥睨久立孫 史記魏公子傳實作俾倪音
義同 鐵翻時方祚注公之貶陽山令其出以十二月故時方祚也樊 故下脫
云字 風勢仍相借注颶風已上江陵途中寄三學士注颶音巨 已下脫見字

颺字見集韻去聲十遇音豆當云音具 睚盱互猜訛注列子老子而睢睢而盱
盱祝 老子下脫曰字 何用畢婚嫁注後漢向平敕家事勿相關樊 向平當
作向長敕下脫斷字

合江亭

題注篇內三處注文鄒君逸其名亭故相齊映所作故曰維昔經營初邦

君實王佐前刺史元澄無政廉使中丞楊公憑奏黜之遂用鄒公其曰中丞黜凶
邪指此意也公永貞元年七月初自陽山量移江陵道衡山詩所以作 按篇中
三處注文當于邦君實王佐下補字文炫又增其制故曰老郎來何暮高唱久乃
和十九字且當散注篇中各句下方不失古本之舊鄒公當作鄒君永貞元年無
七月七當从洪譜作九道王本作過當从之 蒸水會其左注蒸湘二水名卽青
草湖孫 漢地理志承陽在承水之陽讀若蒸水經同後人傳記遂直書作蒸耳
孫注二水名下當補蒸水二字 事往悲豈奈 說文無奈字當作柰

陪杜侍御遊湘西兩寺獨宿有題因獻楊常侍 題注諸本無兩字及因字 按當
从諸本 椒蘭爭妬忌注椒專佞以慢慆兮樊 佞當作佞慆今本作詔非 絳
灌共讖詔 詔當作詔爾雅釋詁詔疑也土刀切與讖詔之諧音義迥別

岳陽樓別竇司直 幽怪多冗長注故無取於冗長韓

於當作乎 爛漫倒家釀

注劉恢韓

恢當作惔 屬龍破千金注殫千金之家無

殫莊子列御寇篇作

單音義同

逼側廁諸將注子虛賦逼側泌節

節當从水作瀆

送文暢師北遊

何路補刻別注公詩意謂文暢既祝髮爲僧欲補其刺別而反之

初可得乎韓按此詩自第三句自言本吳人直貫至此句皆述文暢語刺別乃代

文暢作謙詞冀公以大道補之也韓注就公一邊說如此解詩豈不鹕莽

舉韻

刪株橛注何遜詩攀豁下嵒呀正_舉祝氏音義作摩豁潘岳登虎牢賦別列子吾處

也若橛株拘注斷木也_{考異} 何水部集攀或作穿傳寫之誤也呀作笄當从之集

韻作岍通祝氏音義作摩當作摩虎牢下脫山字拘當作駒岍譏原注斷樹也改

樹作木宋人避英宗嫌名耳 若飲水救渴注或作渴方云公詩用今韻者未嘗

逾韻此詩三十二韻不應獨旁取此一韻考異云今按方說不知何以見此詩用

今韻當考 字林渴傷暑也淮南說山訓救渴而飲之寒泉正公詩意所本此詩

全用十月韻不參通轉故方校云然無須考也 照壁喜見竭注有一主簿竹筒

盛過江韓 主簿下脫以字 無不比鶴蟹注爾雅陸德明音義云鶴鶴鳥有目

一翅相得乃飛故曰兼兼孔叢子北方有獸名曰蜃云云

查經典釋文無此文

惟爾雅郭注云一目一翼相得乃飛無故曰兼兼四字所引孔叢子亦未見豈今

本有闕文耶

飄戾逐鷗鷺注鷺一名鸞爾雅鸞白鷺說

陸氏音義唐石經鄭樵

注本至善堂九經本同汲古本分一字爲二曰揚鳥白鷺誤矣

逞志縱獵獨注

爾雅長喙曰獵短喙曰獨詩曰載獵獨下脫獵字及郭注二字
答張徹首敘始識而注宋遊韓當作宋遊道北史有傳

次言後分形注曹子建

求自試表誠與國分形同氣憂患共之也借用以言離別

鮑明遠贈故人馬子

喬詩烟雨交將夕從此遂分形公詩意用此不宜蔓引陳思語

結友子讓抗請

師我慙丁史記陸賈傳與天子抗衡索隱引崔浩云抗對也讓抗謂不敢與公

爲對爾雅釋詁丁當也慙丁謂恥當師之名蔡注引晉陽秋陸抗左氏襄十四年

公孫丁事皆誤遂通斯建瓴注譬猶居高屋之上而建瓴水也韓而字衍

尋徑返穿汀注徑或作巫非是魏本云徑一作幽當從之蓋全詩每句第二字

皆平仄仄平相間而用不應此獨異例也謝校作巫當亦幽字艸書傳錄之誤耳

朝京忽同船注是年冬公以徐州從事朝于京師樊于樊注本作正當改正

塵祛又一摻注摻塵祛袂執袂別也

原注補而字梯

颺颺伶俜注古猛行

補

猛下脫虎字

悔狂已昨指注昨齧也大聲也又多聲

選譏譏喧咋祝

齧當作噭昨噭也見漢東方朔傳孤豚之咋虎句下顏注只此

三字已足餘皆可刪

蛾豸忝備列注北荒中有獸名蛾豸

原注補

北上當補東字

瑣力撞鐘注說苑建天下之鐘而撞之以鐘豈能發其聲乎哉

美諸本鐘从艸方云當从竹繩絲筭也

瑣當从小作瑣鐘當从諸本作鐘前漢東方朔傳以

蓮撞鍾注蓮謂橐蓮又說文云蓮莖也玉篇云言其聲不可發也皆隸艸部若从

竹作筭則說文謂繩絲管楚詞注謂小折竹文選注謂竹算以之撞鍾皆有聲矣

讀者詳之

刺史肅蓍蔡注家語臧文仲有守龜焉韓詩刺史爲人所信如蓍

孫臧文仲當作臧氏家孫注不得詩意此但言大吏尊嚴耳

趨踰闔前鈴注

鈴閣之下侍御不過數十人

按當从羊祜本傳作十數人

月變三十莖注帝

王世紀曰堯時有草夾階而生每月朔日生一莖至望日則落一莖月小則餘一

莖孫太平御覽四引世紀云至月半則生十五莖至十六日後日落一莖至月

晦而盡若月小餘一莖此云至望日則落一莖非也

萃甘謝鳴鹿馨滿慙罄解

注詩呦呦鹿鳴食野之苹鹿得苹則鳴相呼詩意謂朋友也韓詩餅之罄矣維饗之耻餅小而盡饗大而盈饗耻者刺不能使富分貧衆卽寡也孫按公詩意以

國子生爲嘉賓而自謙言不能如鹿鳴之禮賢饗耻句謂己不能有以益之皆承

上入學誨螟蛉句而言注未明悉 飛飛聯鵠注爾雅鵠鵠離渠山孫雖渠下脫郭注雀三字當補 虬光先照硎注莊子刀刃若新發硎祝 發下脫於字薦士 題注爲溧陽尉時鄭餘慶尹河南公作是詩以薦之又皆公一時之薦也韓

溧當作溧皆公一時之薦也原注作皆此一詩之薦故也當改正按餘慶兩入相先於貞元十四年七月壬申以工部侍郎爲中書侍郎同平章事次年九月丙戌貶郴州司馬時東野尙未尉溧陽也後于永貞元年八月癸亥以尙書左丞同平章事次年爲元和元年五月庚辰罷爲太子賓客九月丙午遷國子祭酒玩詩中廟堂有賢相句是餘慶方當國時所薦乃永貞元年九月初事詩中嘉節迫吹帽句可證東野以貞元十六年爲溧陽尉年五十故曰五十幾何耄尉溧陽六年爲永貞元年故曰辛苦久所冒是年去尉故曰念將決然去公時移掾江陵寄此詩以薦明年十一月庚戌餘慶尹河南又因李翹之薦奏東野爲水陸運從事大

約公薦東野時欲吹噓而未得其便也永貞元年八月順宗傳位憲宗與詩中聖
皇索遺逸髦士日登造二語氣象亦合建安能者七注建安謂魏之文人也典
論今之文人云云東平劉公幹斯七子也孫良臣原注建安漢獻帝年號東
平劉楨下云斯七子者於學無所遺於辭無所假七子皆建安時人今以建安爲
魏之文人謬甚改者爲也以圖簡省亦不成文理劉楨獨稱其字則避宋仁廟嫌
名耳孜孜營甘旨注慈以甘旨韓甘旨當作旨強箭射魯縕注前漢韓安
國傳強弩之末力不能穿魯縕韓史記韓安國傳彊弩之極矢不能穿魯縕此
引漢書則穿當作入寧有棄珪周禮天子執珪四寸注考工記玉人作
執冒冒與瑁通微詩公勿誼誼當从諸本作誚字書亦無誚字

喜侯喜至贈張籍張徹諷詠日喎喎注選張衡曰喎喎沈浮孫注喎喎當乙句見左
太沖吳都賦非張平子語水鏡涵石劍注水鏡一名蜮江淮水皆有之孫注
誤何義門曰此謂山水清峻可喜得之矣江淮水下脫濱字雜作承閒聘聘
考異作聘交驚舌牙疇注說文疇吐舌貌类說文無疇字玉篇訓義與此同
驚驥題注唐本有贈歐陽詹字洪唐本云贈歐陽詹下七字冗贅當刪維昔

穆天子乘之極遐遊注史記穆王得溫驪赤兔驥驥耳之駒西巡狩至崑崙山見西王母樂而忘歸孫史記秦本紀文趙世家溫作盜驥作驥驥作綠樂而作樂之然穆皆作繆并皆無赤兔至崑崙山六字不知孫氏所據何本因言天外事注別日升崑崙之上韓上列子周穆王篇作丘

馬獸縠題注君之臺觀幃簾焚簾當从原書作幃士無袒褐注按袒褐字兩

漢如賈誼貢禹貨殖傳班彪劉平張衡傳凡六見又班彪王命論短褐之襲漢書作袒正舉又淮南子亦云巫馬期纔衣短褐考異袒褐字賈誼劉平傳未見袒褐之

襲見文選注引說文云襲重衣也字林曰大箋漢書敘傳作襲師古注襲謂親身之衣也先列反一說衣破壞之餘曰襲今並錄之以備異文纔衣當从淮南道應訓原文作統衣

嗟哉董生行題注名與東南淮水馳熒淮水下當補東南二字淮水出桐柏山東馳遙遙千里不能休淮水出桐柏山六字句絕東馳遙遙千里不能休九字句絕此各于五字下入注謬甚不能千里百里入淮流注不能千里者以興董生居下其可以施於人者不遐也洪洪說穿鑿當刪

汴州亂二首 題注陸長源總留後樊 後下原注有事字當補 天猶墮地聲如
雷注天官書天狗狀如大奔有聲樊 按史記原文天狗狀如大奔星有聲大奔
星卽大流星也注譌大爲犬又刪去星字非是

利劍 劍與我俱變化歸黃泉注晉雷煥得鄆城寶劍 鄭當作豐

齷齷 題注詩意大抵言當世士齷齷無能爲國慮者集注 注但解得篇首二語耳

胡朏明謂公以貞元十五年二月暮抵徐張建封居之睢上及秋將辭去建封奏
爲節度推官願辱太守薦當是未奏辟時作太賢八句皆美太守據胡氏說及詩
秋陰欺白日旬參考舊紀貞元十五年七月鄭滑大水則此乃初秋居睢上詩也

卷三

河之水二首寄子姪老成 子疑當作示第六卷有示爽及宿會江口示姪孫湘詩
第七卷有示兒詩第十卷有左遷至藍關示姪孫湘詩其例也 緝魚于淵注詩

其鈎維河韓 河當作何

山石 豈必局東爲人轂注延論局趣効轂下駒韓 効俗字當作效

天星送楊凝郎中賀正 題注此詩貞元十二年作韓 按凝爲宣武軍判官貞元

十二年也至自汴賀正于京公作此詩送之乃十四年十二月事篇中正當窮冬
寒未已句蔡注甚尤不知題下何以又採此注 僕夫起餐車載脂注詩載脂載
轄孫 轄當作羣

汴泗交流贈張僕射 紅牛纓紱黃金羈韁注梁吳筠曰白馬黃金羈韁
夏侯故章詩也作筠誤 指霍紛紜爭變化注枚乘曰婉蟬揮霍補注 句見曹子
建七啟非枚乘語 發難得巧意氣蟲注張良發八難蔡 難讀如字發難卽後
雉帶箭詩所謂將軍欲以巧伏人盤馬彎弓惜不發也蔡注大謬

鳴雁 翦秋南去春北歸注管子桓公曰鴻鴈春北而秋南不失其時祝見管子戒
篇雁原作鵠按黃鵠一舉千里無春秋南北之說祝氏所見殆佳本也今花齋本

春北下無而字秋南下有而字

雉帶箭 五色離披馬前墮注爾雅雉五色備曰蠶韓 爾雅原文雉五采皆備成

章曰翬

東方半明 東方半明大星沒注半或作未方从闔本云按舊本作半明正舉 舊本
上當去按字補洪慶善曰四字 太白曉淡注太元經明復曉天舉正 太元經嘗

次二復作腹云范本作復啖范注窺也王注暫視也

贈侯喜 吾黨侯生字叔迄注或作起起之古文也

舉正 或作起下當補蜀本作迄

四字

一名始得紅顏衰注續仙傳藍采和者常于市中歌曰紅顏一春樹

沈約君子有所思行共矜紅顏日俱忘白髮年李白贈孟襄陽詩紅顏棄軒冕韓氏引藍采和歌詞誠如義門所識此人後韓公百年何得引注公詩也

古意 題注其曰古意其旨深矣

韓注旨深遠矣 原注作旨深遠矣 一片入口沉痼痊注嘗

膳載加尊

嘗當作常

八月十五夜贈張功曹 罪從大辟皆除死注荆公與謝本作除

正 陡舉正

陡當作陡

謁衡嶽廟

四方環鎮嵩當中注白虎通曰嵩山夾居四方之中故曰嵩

韓舉

初學記白帖引白虎通卷三上巡狩類云中央之嶽獨加高字者何居四方之中而高

故曰嵩高山今本闕韓注夾字衍

豈非正直能感通注詩神之聽之正直是與

孫一語當乙

睢盱儻伺能鞠躬注列子老子而睢睢而盱盱老子下脫曰

字

永貞行 一朝奪印付私黨注人情不側其所爲

孫一語當乙 側當作測 腸啖跳踉相撲

媚 賜當从易作踢施隻切 侯景九錫行可歎注九錫一曰車馬二曰衣服三曰樂則四曰朱戶五曰納陞六曰虎賁七曰斧鉞八曰弓矢九曰秬鬯也蔡注九錫本漢武紀元朔元年迺加九錫應劭注與韓詩外傳穀梁莊元年傳序注次稍異惟四曰榮則乃穀梁注文武紀及外傳皆作樂器 天位未許庸夫干班彪正命論又況么靡尚不及數子而欲闡奸天位者乎師古注奸音干文選作干一切經音義十三古文作奸同 雄虺毒蠚墮股肱注蠚蟲行毒也集注 段校說文同汲古本蟲作虫非是

洞庭湖阻風贈張十一署 何用勝羈愁 舉正作用云晁校作由李本一作由按此詩第二字仄平平仄循環相間井然不亂當作用爲協況第六韵即是由字不應複出也

感春四首 題注元和元年春掾江陵時作韓 樣當作據 惜哉此子巧言諤不到聖處寧非癡注蓋與屈原之懲於諷諫而傷其違聖之達節也韓 按魏略太祖禁酒人竊飲之故難言酒以白酒爲賢人清酒爲聖人又晉書徐邈傳酒清者爲聖人濁者爲賢人此言屈原不肯餔糟歠醨人皆醉而已獨醒故曰不到聖處

蓋參用徐邈中聖人語繫就飲酒言而以詼諧出之非真識三閭也注誤懲或當作長 畫蛇著足無處用注史記楚惠王使柱國昭陽將兵攻齊又謂有畫地爲蛇又吾能爲之足者又人奪其酒而飲之或曰蛇固無足孫 楚惠王當作楚懷王請有當作請遂爲之足下者字飲之下或字並衍今从史記原文改定 且可勤買抱青春注裴鉶作傳奇樊鉶當作鉶

寒食日出遊 有月莫愁當火令注東坡曾爲李公擇書此詩作燈火冷又不知其所據何本也洪譜增考 按廣韻令屬去聲四十五勁冷屬上聲三十八梗全詩韻皆去聲不應于末韻忽然旁出坡所讀究係誤本也

憶昨行 上公禮罷元侯迴注此爲荆帥裴均罷社而享客也 為當作請 屈指數日憐嬰孩 疑署甫舉一子數讀上聲說文支部數計也所矩切 大帆夜割窮高桅注玉篇云帆船上檣竿祝 帆當作桅 陽山鳥路出臨武注公實連之陽山令張爲郴之臨武郴在江南連則廣南也樊 彬當作郴郴連二州並屬江南道爲湖南觀察使所管七州之二注誤 伾文未揔崖州熾注說文揔滅也正舉滅當作城

卷四

劉生詩 樂府解題劉生不知何代人齊梁已來爲劉生辭者皆稱其任俠豪放周遊五陵三秦之地公殆以師命適姓劉而性情與樂府所稱者合故取以名篇與青鯨高磨波山浮 易繫辭剛柔相摩釋又摩本又作磨禮學記相觀而善之謂摩說苑建本篇引作磨王惺齋讀韓記疑詎字當从手不从石亦未知古摩磨原可通用也莊子外物篇白波若山公波山字本此 妖歌慢舞爛不收倒心迴腸爲青眸注司馬遷答任少卿書腸九迴阮籍見佳客爲青眼韓陳少章謂青眸卽指上歌舞之人引公感春詩青眸刺劍戟爲證倒心回腸當引宋玉高唐賦感心動耳回腸傷氣之文注皆誤按如陳說則青當作清傅武仲舞賦所謂盼般鼓則騰清眸是也感春詩亦作清眸 五管歷徧無賢侯 舊書地理志嶺南道廣州中都督府本廣州總管府桂州邕州容州皆下都督府皆以管稱所謂桂管邕管容管也安南中都督府本交州總管府故名五管

鄭羣贈筆 題注羣嘗以侍御史佐裴均江陵縣唐孔戣私記美 當當作時戣當作歎 慢牘多汗眞相宜注楚辭天問平晉慢牘韓 慢楚辭作曼注肥澤兒

青蠅側翅蠭避注抱朴子曰蠭避攻君臥不獲安補 抱朴子論仙篇蚊嗜膚則坐不得安虱羣攻則臥不得寧補注所引二語未見

豐陵行 清風飄飄輕雨灑注風伯清塵雨師灑道見文選補 韓子十過章昔者黃帝合鬼神於泰山之上風伯進埽雨師灑道若引選班固東都賦當作雨師汎

灑風伯清塵

遊青龍寺贈崔大補闕 赫赫炎官張火傘 按傘古作繖其作傘始見于南史王縉以笠傘覆面及魏書裴延儔傳山胡持白傘白旗 九輪照燭乾坤旱注淮南子曰堯時十日並出草木焦枯堯命羿仰射十日中其九孫 引見淮南本經訓而其文互異原文曰逮至堯之時十日並出焦禾稼殺草木而民無所食堯乃使羿上射十日萬民皆喜

贈崔立之評事 題注立之名斯立韓 名當作字 猶勝赤縣長趙尹注斯立初爲尹陽尉孫 尹陽當作伊陽 子時專場誇觜距注選張衡東都賦樊 都當作京 寶遂新歸厭聞簡 鬧當作鬧 拔擢杞梓收檮箇注晉大夫如杞梓皮革焉孫 焉字衍 枚臯卽召窮且忍注字少孺 儒當作孺 檦槭井梧疎更

殞注槭音索义潘岳秋思賦庭樹槭以灑落補 槭从手或從木亦通秋思當作

秋興

送區弘南歸 題注唐韻區治子之後舉

正

治當作冶 蟲沙猿鶴伏以飛注抱朴

子云周穆王南征三軍之衆一朝盡化君子爲鷙小人成沙孫氏所引未見

沙孫

抱朴

子釋滯篇三軍之衆一朝盡化君子爲鷙小人爲蟲爲沙孫抱朴
莽翠微注或作江洶洞庭宿莽翠微楚詞波逢洶湧瀆滂沛兮又夕暉中洲之宿莽

云云祝

瀆當作瀆楚詞九辨莽洋洋而無極兮阮步兵詠懷詩曠野莽茫茫杜

詩亦常用莽字爲勝句祝注乃或本宿莽之解不應闡入中洲之中字衍爾雅山

未及上曰翠微注一說山氣青縹色舉正引選陸佐公石闕銘旁映重疊上連翠

微云翠微山氣也又洶洶當引楚詞九章悲回風篇聽波聲之洶洶 九疑饒天

荒是非注選登嶧巖而下望祝湘記云云韓 正文既定作饒祝注當刪湘記當

作湘中記 落以斧引以繩微注方从唐閣杭本亡 亡當作正 疊沈海底氣

昇霏注史記天官書凡海旁蜃氣象樓臺韓 凡字衍 行行正直慎脂韋注楚

詞如脂如韋以潔楹乎注脂韋柔弱貌也韓 此楚詞卜居韋之文也王叔師注

皆協韻將突梯滑稽注云轉隨俗也如一如韋注云柔弱曲也以潔櫬乎注云順滑澤也韓注曲作貌非是

三星行 題注蘇內翰云吾生遭口語無數蓋生時與退之相似吾命在斗牛間而身宮亦復在焉矣 生遭口語上脫年字焉當作箕

孟東野失子 題注東野爲鄭餘慶實佐據郊集有哀幼子及杏陽詩唐大蓋因果耳矣

正舉 實當作賓陽當作薦蓋當作槩 與奪一何偏注莊子奪彼與此一何偏

也正舉 莊子列御寇篇原文一何作何其 細腰不自乳注博物志細腰無雌雄

之類取柔蟲或阜螽子抱而成己子韓 博物志卷四物性類原文云細腰無雌

螽類也抱作呪餘同 東野夜得夢有夫玄衣巾注史記鮑夢於宋元王夢見一

大夫云云補 龜下當補來見二字元王下當疊元王大夫當作大夫

陸渾山火和皇甫湜用其韻 此詩樊澤之所分段落未愜鄙意按篇首一二語爲提綱自山狂谷很至孰飛奔言風助火勢延燒之盛自祝融告休至笑語言言祝融御火與其屬飲食宴樂也自雷公擘山至焚其元言火盛則水無權而反受其尅也自天闕悠悠至因之崑崙乃暢發相生相尅之義篇尾四語點醒題中和字意

鴟鴞鷙雉鵠鵠

爾雅釋畜雞三尺爲鵠玉篇下鵠似雞而大集韻公渾切

鶗鴂同

燐魚燐燐孰飛奔注庖舍毛炎物祝

庖當作燐舍當作合

攢雜歎

嘒沸箇墳注嘒噴大喚祝

噴當作噴說文噴大呼也

爨其肉皮通𦵹腎注選

列髮形之繡搊祝

搊當从木作桷

緹顏赫股豹兩鞬注兩鞬說文所以戢弓

矢祝

兩字衍

紅帷赤幕羅脹脣注周禮以脹脹之禮親兄弟之國韓

脹脹

二字當乙

益池波風肉陵屯考異樊說波知風

益下从血不从皿知風當作

如風

飴呀鉅壑頰黎盆考異今按漢書注飴呀澗谷形容也

史記司馬相如

上林賦飴呀豁闊郭璞注皆山谷之形容也

漢書本傳飴省作飴音呼含反引郭

注云澗谷之形容也

熙熙醻醻笑語言注注人進客曰醻祝

注人當作主人

齒牙嚼齧舌腭反注腭或作齧

齧口中剗也出字統反前漢有所平反祝

腭

當从魏本作齧齧亦齧字之誤

剗當作斬方氏世舉云玉篇有齧無腭說文俱無

廣韻嚙口中斷嚙出字統與齧同亦無腭字

電光磯磯頑目暖注王嘉拾遺記

月支獻猛獸令作兩目如天磯磯之炎光也祝

令字天字也字均當芟去

詔巫陽反其霓注汝筮與之韓

與當作予

女丁婦壬傳世婚注玄冥之子曰

壬夫安祝融氏之女曰丁辛

正舉

安當作娶

視桃著花可小嚮注一作嚮又嚮

音愈
嚮當作嚮
虛言反騰舉也謂桃始華時水可稍得勢也若作嚮則訓虧少音愈不但意義乖違卽韻亦不叶矣
月及申酉利復怨注水生於中火死於酉故水至申而利火至酉而怨韓利復怨謂利于復讐也孫良臣注申七月酉八月水生于申火死于酉此元冥復怨之時解甚明析注引韓說上二句是下二句謬甚
辭誇出真遂上焚全詩惟此句出韻當必有誤

縣齋讀書

讀書松桂林注舊本多作竹桂

舉正

竹當作松

佞性逾兼金注選雜

體詩承榮重兼金韓

此江文通雜體擬顏特進待宴詩也毛刻文選作榮重貌

兼金

新竹 清景空瞪視注選偃仰瞪眄視

眄當作眴

落齒

又牙妨食物

王文考魯蠶光殿賦枝纂枚枚而斜據李善注枚枚參差之

兒此不从木蓋古通用

持用訖妻子注莊子踰門而訖子祝莊子達生篇原文

云有孫休者踰門而訖子扁慶子子扁慶子猶子列子子沈子也魏本祝注不誤

此刪去下三字豈復成語

哭楊兵部凝陸歙州參 累半豈蹉跎注豈非七十之半年韓 年當作乎

苦寒 羲和送日出注山海經云東南海之外甘泉之間有羲和國有女子曰羲和

爲帝悅之妻孫 大荒南經原文甘泉作甘水帝悅作帝俊 衣被如刀鏟注列

子擁鎌帶索祝 擁鎌帶索見家語致思篇列子但有鹿裘帶索語 六龍冰脫

鬱注晉傳玄詩順得並天駄六龍孫 傅休奕詩失題見藝文類聚日部駄作御

六龍下有齊玉羈三字孫注以五言爲七言誤矣 伊我稱最靈不能女覆苦注

女覆諸本皆作安復今从唐本及蔡謝校本云韓文古本汝皆作女杭本尙作女

今訛自闕本也女指上文禽雀而言苦蓋也言我最靈而不能汝覆蓋也正 今

當作方杭本尙作女女當作汝言我最靈我下脫雖字不能汝覆蓋之汝却當作

女 調和進梅鹽注爾爲鹽梅焚 為當作惟 豁達如褰簾 達當作達史記

高祖紀意豁如也服虔注豁達也 風條坐襜襜注荀子是襜襜者何也祝 句

見說苑雜言篇荀子子道篇作裾裾

和赤藤杖歌 浮光照手欲把疑注又欲乎之而復疑之何耶又大氏方意專主奇

造異乎係手字筆誤大氏見前漢食貨志灑作澑非

酬崔十六少府

府公舊同袍

注詩豈無衣兮

孫

當作豈曰無衣

惟足彪與戩

注爾雅虎羣毛謂之戩

注戩下脫貓字

訪鱗可罩汕注簎謂之罩祝簎取魚

之器

孫

兩簎字皆當作簎

活計似鋤剗注或作鑿謂剗斗之也選海賦鑿臨

崖之阜

正舉

斗當作平阜下脫陸字

妻瘦剩腰襦注周庾信鑑賦祝今開府

集作鏡賦

漁釣老葭蘆注菱也

孫按蘆非菱明甚孫注誤當云蘆荻也陸璣

詩疏蘆或謂之荻至秋堅成則謂之萑

冰雪滑磴檻注前漢良因說漢王燒棧

道祝燒下脫絕字魏本祝注不脫

何由覲清盼注或作盼

按魏本作眄

當云或作眄

李太白詩贈范金鄉

君子枉清盼

按字書無眄

詩美目盼兮以目美言也左顧右盼以

盼視言也

按兩眄字均當

盼本作盼

按盼與盼不相通作盼按當云盼通作盼

今

四字多不分當以蜀本爲正考異今按盼目黑白分也盼莫見切从省作盼盼

顧視也盼五禮切見孟子恨視也此詩當作盼然作盼亦通

舉正考異文傳錄

多譌故備錄之卽附考正于逐句之下然考異謂當作盼亦非公詩用三十諫三

十一韻兩韻無旁出者盼韻在三十二韻不應突然闡入此與上剗作鑿均當从

舉正之說爲當也

送侯參謀赴河中幕

題注侯繼時從王諤辟韓

諤當从新舊史作諤篇中洗洗

司徒公句注同

三月崧少步注崧一作嵩

按劉熙釋名嵩字或爲崧則二字通用由來久矣

人馬何蹠騰注沖水其馬蹠蹠馬逝也集注

逝當作壯然魯頌

沖水毛傳蹠蹠訓彊盛其訓壯貌者大雅崧高四壯蹠蹠句也若用壯義當引此

侵官固非是注左氏侵官冒也集注

冒當作冒

翰飛逐溟鴻

鴻當改鵠

東都遇春

鳥喚昏不醒注選悅爾而醒祝

劉伶酒德頌豁爾而醒不作悅醒叶下形平聲

有船魏王池注洛水經尙善旌蓋二坊之北洪

蓋當作善

謀譏

收禹績注或作跡左氏茫茫禹跡畫爲九州作績恐非集注

茫茫當作芒芒績魏本作跡故孫氏有此注此本正文既定作績則當引商頌設都于禹之績

譬如籠中鳥

鸚鵡子世兵篇籠中之鳥空窺不出顧俠君注韓詩誤窺爲籠故正之於此

感春五首

更遺稚子傳清益注選恨賦右顧稚子杜詩傳益莫放益集注

右顧當

作顧弄莫當作不選壯軍興不爲用坐狂朝論無由陪注憲宗卽位五年平夏平蜀軍江東赫然中興而公年踰強仕投閑分司故有此言樊軍當作平按憲宗

元和四年成德王承宗反五年春尚未平詩意指此不必蔓引平夏蜀江東已往之事也 凶訃詎可相尋來注將浴臨汝之陽泉孫 陽當改湯 誰肯留念少環迴注元微之有問韓員外辛夷花云韓 辛上當補求字花下當補詩字酬裴十六功曹巡府西驛塗中見寄 照耀荆璞真真疑當作珍

燕河南府秀才 房公尹東京注元和四年以房武爲河南尹孫房武當作房式者果相扶檠注或作擎 舉正檠李本校作擎然閣本蜀本同上愚按檠渠京切說文榜也唐韻所以正弓淮南子修務訓弓必待檠而後能調亦是此義今上既用相扶字則當从李校作擎又玉篇上収部弊舉也作檠亦通檠卽擎之或體權公作邦楨 楨王本作禎注祥也

送李翹 題注四年正月己酉翹自東都旌善坊以妻子上船於漕乙未去東都公與石洪假舟送之丁酉同登嵩山題姓名紀別孫 己酉當作己丑同登上當從來南錄增上方南望四字蓋公與翹並未登嵩高也先是弔孟東野遂以東野行石洪自漕口先歸則上方之登有東野而無濬川孫注殊未明悉

送石處士赴河陽幕 題注公當有序送詩亦是時作韓送下脫之字序所謂東都

人士各爲歌詩六韻者此也

送湖南李正字歸歷歷余所經注公貞元十九年出爲陽山令
旅宿夢婉婉注下音免免當作晚今據魏本王本校改

韓集箋正

據東雅堂本

瑞安雪齋方成珪撰

邑後學陳 華校刊

卷五

辛卯年雪

寒氣不肯歸

不肯二字增雋陶飲酒詩晨雞不肯鳴擬古詩日月不

肯遲杜陪王使君晦日泛江就黃家亭子詩江平不肯流客夜詩秋天不肯明乃

公所本也

白霓先啟塗注楚詞白蜺嬰弟胡爲此堂蜺與霓同孫

楚詞九辯

駿白霓之習習兮注當引此

醉留東野

有如寸筵撞鉅鐘

筵當从魏本作蓮

李花二首

正見芳意初萌牙注事有萌牙

舉正

事有當乙霍氏有事萌牙見漢書

金日磾傳

洛陽園苑尤紛擎注女加切或作擎舉正董彥遠云擎从如今人從

擎按當作奴

唐韻以擎爲或體非也考相如子虛賦

按當作大人賦

王逸九思皆只作擎

按當作擎

考異今按說文擎从奴牽引也擎从如持也古書作擎蓋通用

多當云古書按擎蓋通用

按

相如大人賦騷擾紛擎師古注擎音女居反九思悼亂章殺辭兮紛擎叶下約亦此音許氏說文不知何時合擎擎二字而同以女加切音之今段氏校正云擎牽引也女居切擎持也女加切則二字音義判然矣此當从或作爲是

招揚之罘一首

題注公爲河陽令韓

陽當作南

馬悲罷還樂注罷音疲

按

罷當讀如字

食有肉與魚注史記孟嘗君傳馮驩遷之幸舍食有魚矣韓

魏

本韓注原文云史記馮驩彈其劒而歌曰長鋏歸來兮食無魚孟嘗君遷之幸舍食有魚矣廖氏不善刪節遂不可讀

寄盧仝

少室山人索價高兩以諫官徵不起注李渤字濬之又久之徙少室山元

和元年以左拾遺召不至四年河陽尹遣吏持詔敦促孫

濬當作濬徒當作徒

左拾遺當作右拾遺河陽尹當作河南少尹卽杜兼也 往年弄筆嘲同異注仝

與馬異結交詩云仝不同異不異是謂大同而小異全自同異自異是謂仝不往

兮異不至孫 按仝原詩云昨日仝不同異自異是謂大同而小異今日仝自同

異不異是謂仝不往兮異不至孫氏所引未詳何本 猶上虛空跨綠駢注綠駢

今本二字皆从馬正

注駢字當作耳 意令與國充耘耔注耔擁苗本祝 擁

今詩傳作離

豈謂貽厥無基陸注陸字見漢疏廣傳正

注陸上脫基字

隔

牆惡少惡難似注荀子無廉恥而嗜乎飲食可謂惡少者也

韓注立召賊曹呼伍伯注有賊曹樣孫

樣當作據

更

原文可上有則字也作矣

立召賊曹呼伍伯注有賊曹樣孫

贈當作遺

遺長鬚致雙鯉注古樂府云客從遠方來贈我雙鯉魚孫

酬盧雲夫望秋作

題注此詩元和六年秋所作時公自河南令人爲職方員外郎

作集

耶下作字衍

自知短淺無所補注漢孔光傳智謀短淺

按本傳作淺

短論詩說賦相誦誦

誦說文作誦云詠詠多語也

誰氏子

莊子外物篇不知其誰氏之子公命題本此所慕靈妃婕妤史注居數

十年孫

十字衍寫吾此詩持送似集韻似奉也

河南令舍池臺

規摹雖巧何足誇前漢高帝紀贊雖日不暇給規摹弘遠矣注

摹通作模

已有蛙躍助狼藉注孟康日狼藉甚盛正

按毛本孟注作言狼籍

之甚以說文艸不編之義準之則作藉爲正

送無本師歸范陽

題注左右皆至前注

皆當是借字之譌然嘉話原文實作擁

王本同

天恐文章還斷絕注

還王本作渾因唐安京尹劉柄楚集

安當

作矣 及值公卿大夫不知覺也注

知當作之

世俗無知者所托集注

托當

作託

東野尙無恙何以云死葬北邙山卽集注

東野上脫時字卽當作耶

綠

池披菡萏爾雅荷美蕖其花曰菡萏者披用荆公本定或作姪或作低方从閣本作坏皆非是考花當作華曰字衍按舉正作坯云獨本作姪柳本作披荆公又作低則此乃用柳本定非用安石本定也 無殊嗜昌歎文王嗜昌歎見呂氏春秋孫

按孝行覽遇合篇只作文王者菖蒲菹無昌歎之名 舉室長頤領注

昔見本篇不領下注 不領當作不鎮 獬廳攬空衢注攬一作摺 按說文摺

敗也廣韻疊也與獵廳義不貫王本摺作擢說文訓引廣韻訓抽訓出稍爲近之

然終不若攬字之融洽故諸本定作攬廳當从三犬不从三火

石鼓歌 題注石鼓文在岐陽初不見稱於世樊 文當作久岐當作岐世上脫前

字 至宣王刻詩爾樊 宣王下脫時字 蔴于岐陽驕雄俊 岐當作岐注同

鸞翔鳳翥衆仙下注選鳳翥翥飛祝

張衡西京賦鳳翥翥於臺標祝氏所引

未詳所出句亦不詞當是傳錄之謠 二稚逼迫無委蛇注毛詩協韻補音蛇唐何切行貌揚雄反離騷駕八龍之委蛇今協歌字韻當從補音祝 詩羔羊委蛇

委蛇叶上絕君子偕老委委蛇蛇叶下河皆府何切陸機答賈謐詩我求明德濟同以和魯公戾止委服委蛇亦此音十鼓祗載數駱駝注漢書匈奴傳云橐駝言能負橐而駝物也孫傳下脫注字負下脫橐字觀經鴻都尚墳咽注漢靈帝元和元年二月始置鴻都門學又碑始立其觀見及摹寫者車乘日千兩孫元和當作光和觀見據蔡邕傳當作觀視王本作觀覽千下脫餘字義之俗書趁姿媚注王得臣塵史云王右軍書多不講偏旁此退之所謂羲之俗書趁姿媚者也補註石鼓文籀文也周宣王時史籀所作自籀變爲篆篆又變爲隸隸卽今之楷書與古體迥殊矣俗書對古書而言乃時俗之俗非俚俗之俗也塵史之說非是

雙鳥詩

題注嘗以蘇丞相子容云意以是指佛老子學集

蘇丞相上脫問字

頗郊云二氏之言亂周孔之教耳集註

郊當从魏本作似

百蟲與百鳥然後鳴

啾啾注蘇者開譚錄亦見

開當作閒

更起鳴相酬注然歐公感二子詩及東

坡李太白畫像贊考之蓋專爲李杜而作

舉正

歐公上脫以字

贈劉師服

合口軟嚼如牛啞注說文云吐而噍孫注爾雅牛曰齧羊曰齶說文

口部無咷字惟齒部齶下云吐而噍也齶當作齶

後日懸知漸莽齒注齒莽字

本莊子爲政焉可莽齒舉 莽子則陽篇云君爲政焉勿齒莽

與子共飽鯨魚

膾注莊子任公爲大釣巨縕舉見莊子外物篇任公下脫子字釣當作鉤

題炭谷漱祠堂

題注宋敏求長安志則云炭谷在萬年縣南六十里樊

六當作

八 萬生都陽明 生都王本作物皆語落凡近非韓公本色

石孟仰環環注

古樂府四角龍子幡環環當江柱 此宋隨王誕襄陽樂語也當江柱郭茂倩樂

府作江當柱

羣嬉倣天頑注揚子雲羽獵賦羣嬉乎其間 按毛刻文選嬉作

娛間作中漢書本傳嬉作娛顏注嬉戲也六書通嬉娛當係娛字之誤間漢

書亦作中

聽穎師彈琴 失勢一落千丈強注古木蘭詩賜物百千強少陵詩四松初裁時大

抵三尺強 賦物一作賞賜裁當作裁

送陸暢歸江南

舉舉江南子注唐人以舉止端麗爲舉舉舉正

守典心部懇音與

引說文云起步懇懇也从心與聲韓詩懇懇江南子俗本譌作舉舉按此論前人所未發故敬錄之懇又音余廣韻恭敬集韻行步安舒也字又作慎同漢書敍傳

下長倩懊惱蘇林訓同集韻

名以能詩聞注山齋玩月云起來自擘書窗破恰

漏清光落枕前恰唐詩紀事作教

遇雲陽公主下降暢酬曰粉面仙郎選聖朝聖紀事作尚

偶

逢秦女學吹簫須教翡翠聞王母須紀事作業

不柰鳥鳶噪鵠橋樊樊當作雲安

唐書公主傳雲安公主順宗女下嫁劉士涇雲溪友議誤作雲陽樊注因之不知

唐公主中無雲陽封號也唐詩紀事載暢應詔作催粧詩云雲安公主貴出降五

侯家尤其明證矣

永負湘中墳注立皇太子有詔令許歸葬補注

詔當作敕

送進士劉師服東歸

隱忍碑兀冤注選江賦巨石碑砌而前却韓注

而當作以

夏槐作雲屯注劉表傳雲屯田馬韓

傳下當補贊字田當作冀

嘲魯連子 魯連細而黠注而方作兒

按今本舉正未見

贈張籍 上馬插手版注唐與服雜事曰八座尙書執笏餘執手版

按唐與服雜事云古者貴賤皆執笏書君上政令有事插之於腰帶中後代惟八座尙書執笏

以筆綴手版頭紫囊裹之餘但執手版不執筆示非記事官也據此則手版卽笏

貴賤同執所異者執筆與不執筆耳注誤 留君住廳食 廳王本作廳爲古加

厂作廳自六朝始也

自得高塞壁注屈原九章思塞產而不釋王逸曰塞產詰

屈也孫 東方朔七諫哀命篇望高山之塞產張衡西京賦珍臺塞產以極壯曹植委薄命篇鈞臺塞產清虛俱與嵯峨義同言高而復屈曲也

調張籍

不知羣兒愚那用故謗傷注魏道輔云公作此詩爲微之發蓋元稹作李杜優劣論先杜後李故爾集鮑以文云此是工部墓志非論也愚按微之墓志

亦是文家借賓定主常法耳况並未謗傷供奉也謂此詩爲微之發當不其然

乾坤擺雷破注郭璞江賦巴東之峽夏禹疏鑿絕岸萬丈壁立巖駿又云微如池
裂豁若天開韓夏禹原作夏后鑿原作椒玉篇椒東方赤色亦作電池當作地

翦翎送籠中注禰衡鸚鵡賦閑以雕龍韓

閑選作閉 金薤垂琳琅注詳見岣嶁山詩

詩下脫注字 太山一豪芒注銳思豪芒之內又是毫字通正 銳思

下脫于字毫字下脫自字 刺手拔鯨牙注刺刃之也 刺臨漢隱居詩話作引

按刺當作刺刺手猶反手轉手說文刺戾也盧達切从束與从東音次者不同注

誤 謄身跨汗漫注淮南子若士與汗漫期於九垓之上孫 上當作外 乞君

飛霞珮注後漢乞楊生師祝 見後漢儒林楊政傳揚當作楊

盧郎中雲夫寄示送盤谷子詩兩章歌以和之 題注盤谷在孟州齊源縣太行山

之南孫 此時元和七年冬長安作韓 齊當作濟時當作詩 衡風衡吹破落

天外注楚詞衡風起兮水揚波孫

楚詞九歌少司命章衡風至兮水揚波河伯

章衡風起兮橫波孫注記當改至

馬頭溪深不可厲 元和郡縣志河東濟慈

州呂香縣南六十里有馬頭山溪當出于此

平沙綠浪榜方口注楚詞九懷榜

舫兮不流 不當作下 坐令再往之計墮眇芒注或作渺茫

詩意謂不再往

也當从或本 推書撲筆歌慨慷注選中猶厲而慷慨祝

見成公綏嘯賦當作

慨慷 無異雀鼠偷太倉 無王本作何願俠君本同按作何語勢尤健

病中贈張十八 龍文百斛鼎注史記秦武王與孟說舉龍文之鼎孫

之當作赤

照鑪釘明釭注選西都賦金釭銜璧注謂燈也祝

廣韻釭訓燈古雙切晉夏

侯澠有金釭燈賦謝眺奉和隨王殿下詩釭華照謝殿明皆可援以爲證至西都

賦之金釭係車轂中鐵選注亦無訓爲燈者未知祝說何本 研樹收窮龐注既

連日挾所其所有驅病語囁乃爲公敗韓 挾下行所字公下脫所字 東流水

淙淙注蟻垤之微不足以陵崆峴以導其所歸也淙十江切之山願終受教於公

而公所韓此係傳錄之誤韓氏原注云蟻垤之微不足以陵崆峴之山願終受教

于公而公于是導其所歸也 淉土江切本所以當从王

子是

雜詩 題注離心遠逝樊 心當作俗 萬墳厭其巔 考異巔方从唐本杭本作墳今按方所从本蓋後人以重韻而誤改之說見石鼓歌珪按朱子說甚是而此本失載因補錄於此又舉正墳蜀作顚疑上嵒峯顚之顚或作巔此從蜀本作顚亦通

寄崔二十六立之 下驥入省門注欲知薰風琴 知當作和 不敢捩眼窺注捩

音列拗也苦溪詩話云音麗瑟琶撥也謂左右窺 痞當作竇按捩當訓拗不敢

捩眼窺則不敢正目視可知是加倍寫法詩話之說謬甚 插翅飛天睡注左

氏虔劉我邊陲祝 今左氏成十三年傳只作垂 得非命所旅 旅當改施

抱華不能擣注蓋公得崔詩正當冬月正論諸毛功必是爲毛穎傳而發考異 得

當从舉正作寄穎當作穎按毛穎傳乃公文論諸毛功詩意指崔所作不得牽混

爲一要之此句費解闕疑可也 方餐涕垂起 起當作匙 視物隔從離注從

字自入韻豈傳者誤耶正誤下脫倒之二字 孤豚眠糞壤不慕太廟犧注莊

子或聘於莊子應其使曰子見夫犧牛乎衣以文綺食以芻菽及其牽而入於太

廟雖欲爲孤豚其可得乎孫 應上當疊莊子二字綺原作繡芻俗字當作芻菽
原作叔豚原作犧 觀名計之利注今按此句難曉考 莊子盜跖篇子張問於
滿苟得曰故觀之名計之利而義眞是也公語本此 豈異哀灑罷注史記臣不
幸有罷癃之病祝 病當作疾 休令衆唯唯注說文唯仰視也 視當作目
况又嬰疹疾注選思百憂而自疹祝 句見張平子思玄賦而當作以 相待安
罵筆注江東呼小籠爲筆韓 爾雅注作江東方言卷十三秦晉之間謂之筆注
作江南 不辨養蓀蓀注蓀音綠玉芻也楚 玉當作王

月蝕詩效玉川子作 月形如白盤注李白詩少時不識月喚作白玉盤韓 嘘當
作呼 杷沙脚手鉢 天羅礮匝何處逃女形 形舉正及諸本皆作刑 薄命
王值飛廉惜注漢書晉義云飛廉能致風孫 王當作正注風下當補氣字 於
菟蹲於西注楚人謂虎爲於菟孫 爲字衍 又食於禱禮有加注迎虎謂其食
田豕韓 謂當作爲豕下當補也字 終令夸蛾抉女出注列子帝命夸蛾氏二
子負二山注夸蛾蓋有神力者韓 兩蛾字列子湯問篇並作蛾韓注原文同
此外內外官注七百八十三星孫 七上當補積數二字 太陽有室家注禮君

之與后猶日之與月韓君當作天子

孟生詩 題注以其下弟送之又卒如習之所科耶樊

弟當作第科當作料 應

對多差參注以參差爲參差補 下參差當乙 窮簷時見臨注簷或作闔考史

記子貢傳闔字爲正舉 閔當作闔子貢傳當作原憲傳

射訓狐

題注或曰訓狐其聲因以名之集注 聲下脫也字 安然大喚誰畏忌注

曹子建

鵠雀賦不肯首服烈頸大喚舉正 方扶南本烈作振 擺掉拱桷頰壁塗

注選櫟拱天矯而交結祝

句見何晏景福殿賦矯作蟠按前漢司馬相如傳天

蟠枝格

郭璞注天蟠頻申也王延壽魯靈光殿賦旁天蟠以橫出字皆从虫作蟠

一夫斬頸

羣鶴枯注夫館本作矢方云或謂矢何以能斬頸也舉正 舉正或上

云周禮庭氏掌射國中之妖鳥易射雉一矢亡謂作曰

將歸贈孟東野房蜀客

咄咄無自疑注晉史殷浩爲溫所廢祀 溫上當補桓字

答孟郊

題注東野有別公詩此篇疑公所以答也公貞元十二年七月佐董晉于

汴州樊

郊于貞元十二年登第自誇春風得意公答詩不應有幾春思已亂之

句又郊詩云遠客獨憔悴春英各婆娑而此詩云始秋悲又攬若至秋方答則已

遲若當春言秋則無謂恐此詩非答郊汴州別公之作也 腸肚鎮煎燭注杭本
燭作燭俗字也舉 燭當作燭 古心雖自鞭注鞭字蓋莊子從其後而鞭之者
也 莊子達生篇視其後者而鞭之從當改視 世路終難拗注張衡渾儀拗去
其半祝渾儀下當補說字

從仕 題注貞元十七年公始從調京師韓 此詩王星齋讀韓記疑謂貞元十五
年爲徐州節度推官作甚是居閒食不足蓋追溯未授幕職居符離晝上時也

卷六

符讀書城南 題注公之子曰昶登長慶四年進士第符豈昶之小字耶樊 韓昶
自爲墓誌曰昌黎韓昶字有之生徐州之符離小名曰符有男五人曰緯前復州
參軍次曰綰曰緹曰綺曰紇舉進士據此則符即昶無疑而君子之澤亦遠矣緹
卽昶也咸通七年狀元及第 飛黃騰踏去注還張景陽七命整頓雲輶驂飛黃
韓 整頓當作乃歎 不見三公後寒飢出無驥注庶人之子孫也樊庶上脫雖
字

人日城南登高 太平御覽卷三十魏東平王是日登壽張安仁山銘曰正月七日

厥日惟人策我良駟陟彼安仁晉桓溫參軍張望亦有正月七日登高詩
令徵前事爲注今人以絲管歌謳爲令卽白傳所謂醉翻襯衫拋小令是也其舉故事
物色爲令卽所謂令徵前事爲是也韓 襯衫集作衫袖下所謂上脫公字 刺
船犯枯葑注梁庾肩吾詩黑米生菰葑祝 庚奉和太子納涼梧下應令詩菰葑
集作菰葉

病鷁 題注說文鷁鷁也唐 按說文鷁鷁也唐氏所引未見 拍拍不得離注東
方朔傳擊之拍拍 按朔傳未見

華山女 浪憑青鳥通丁寧注此正譏其銜姿色異考色王本作首

讀皇甫湜公安園池詩書其後 題注持正佗詩亦未嘗有一傳世者樊 唐詩紀
事湜有爲出世篇一首筆意亦虛全劉叉之亞 涠也因公安注公安縣屬江陵

陵下脫府字

瀧吏 始下昌樂瀧注瀧在縣上五里舉 上疑作北 譬如官居京邑何由知東
吳注或作譬如官居北一本作牧郡邑東吳一作京都 何義門云 東吳語無
謂當如注中或作愚按韶州乃三國孫吳始興郡故曰東吳惟韶爲東吳地故瀧

吏亦用吳音稱儂也何云無謂乎 儂嘗使往罷 說文网部罷遣有罪也从网能言有賢能而入网卽貰遣之周禮秋官小司寇四曰議能之辟 州南數十里注諸本作十數方从閣本作斗數史記書盛山斗入海正舉 按元和郡縣志潮州潮陽郡南至大海八十五里則作十數里及斗數里皆不諳地理者也 亦有生還儂 儂有我儂渠儂之別此詩儂幸無罪犯儂嘗使往罷乃我儂子夜歌郎來就儂嬉貞儂非一事之類皆是亦有生還儂之儂乃渠儂古樂府孟珠曲莫持豔他儂讀曲歌冥就他儂宿尋陽樂雞亭故儂去九里新儂還是儂皆作人字解所謂渠儂也 仁義節其躬注節或作飭 飭當作飭

贈別元十八協律六首 豚膏莫譽省注蘇林謂爲無譽錄無所省錄也正舉 譽錄上脫所字 又母譽金玉成器考異 金玉當作衣服 宮室發闢楗注老子善閉者無關楗而不可開祝 者字衍 何人識章甫注宋人有賚章甫而適越 有字衍適下脫諸字 英英桂林伯注裴行立元和十二年以御史中丞爲桂管觀察使伯侯伯也樊 新史裴行立傳行立學兵有法口陳願治民試一縣自效除河東令由蘄州刺史遷安南經略使徙桂管觀察使方鎮表行立由安南徙桂管

在元和十一年又陳少章云伯九州之伯左傳五侯九伯是也樊注皆誤 煙燭

義勇身注詩矯矯武臣韓

武當作虎

患足已不學注足已而不學史記周亞

夫贊論舉正

論原本作語當據改

初南食貽元十八協律 蠻相黏爲山注五代史潘崇徹敗王逵兵於蠻石舉正

王

逵當作王進逵 我來禦魑魅注流四凶孫

凶下當補族字 不祈靈珠報注

其後蛇蠍珠以報孫 嘘當作銜

宿曾江口示姪孫湘二首 題注公兄弇之孫孫

弇當作介

答柳柳州食蝦蟆 雖蒙句踐禮注出見怒恚乃爲之軾孫恚當作蠅或作蠅軾與
式通用後漢張湛傳軾輶馬

別趙子 及我遷宜春注公自潮州量移袁州郡卽宜春郡也孫 袁州下郡字衍
或袁字之譌

除官赴闕至江州寄鄂岳李大夫 題注公元和十五年九月公自袁州召拜國子

祭酒樊

元和上公字當刪 益城去鄂渚注離騷經曰乘鄂渚而久顧孫 句

見楚詞九章涉江篇非離騷經也久當作反 風便一日耳 陸游入蜀記自江

州至鄂州七百里泝流雖日得便風亦須三四日韓詩過矣按元和志江州西至
鄂州五百九十三里誠非一日可至然公詩特極言其速與李太白早發白帝城
詩千里江陵一日還同意若改作風便三日耳便不成話陸說似失之泥無因
帆江水注少陵詩浦帆_{晨初發}_舉廣韻六十梵帆船使風扶泛切洪注引之確
是方引少陵詩似與此異義我昔實愚憲注或作憲愚憲見禮記漢書多用愚
憲字_{正舉}愚憲當作憲愚見禮記哀公問漢高帝紀下王陵可然少憲張陳王周
傳贊王陵少憲師古注皆云憲愚也

南山有高樹行贈李宗閔 題注此詩及下篇蓋長慶初作也此詩當是宗閔初貶
公爲祭酒時作後篇當是宗閔復入後作也詳詩意可見 注前後全採韓仲韶
注然王本韓注無及下篇三字并無此詩當是宗閔初貶至可見三十字想是妄
庸子所增也當从原注刪之 據皮薦德裕在公歿後五年韓 據當从原注作
按

猛虎行 題注猛虎行樂府舊題非前詩類也_{正舉} 此下尚有六十二字說甚
明確今并錄之云編者以爲贈宗閔則過矣宗閔晚節雖可譏然公在日幾爲中

書舍人劍州之行曲不在宗闕又公與宗闕嘗同爲淮西幕客不應譏議如此之深也況事亦不類下接新史云云子食赤豹釋注楚詞乘赤豹從文狸韓豹下當補兮字

卷七

雪後寄崔二十六丞公 朝歎暮惜不可解注楚辭長歎息而增歎歎當作太

送僧澄觀

臨淮太守初到郡

唐地理志泗州臨淮郡時刺史張伾

山南鄭相公樊員外酬答爲詩

牙蘽前全塘注塘字見楚詞九歎舉正

怨思章埃拂拂兮今本只作拂

感春三首 清眸刺劍戟注則如此老子箇中興復不淺補

如當作知子當作于

死者長眇芒 眇芒當作渺茫

晚寄張十八助教周郎博士

日薄風景曠注方云漸迫也

追當作迫

歎息歲

將淹注今人書歿作歿又李白詩東溪卜築歲將淹舉正方何獨知此獨不可通用

也考異

下歿字當作沒東溪李集及舉正皆作東谿考異方字上有不知二字何

獨作何以

題張十八所居 爲我講聲形注周禮保章氏掌教國子六書注云一曰指事二曰象形三曰象聲四曰會意五曰轉注六曰假借形聲如江河之類 此地官保氏非春官保章氏也鄭注六書象形會意轉注處事假借諧聲此注次序不合蓋參用徐鼎臣說文解字序文也三曰象聲徐序作形聲餘皆同但公詩所謂聲形自指諧聲象形二體而言此以徐序形聲釋公詩聲形非是當云聲形如江河日月之類

奉酬盧給事雲夫四兄曲江荷花行 上界真人足官府豈如散仙鞭笞鸞鳳終日相追陪 神仙傳白石先生者中黃丈人弟子也不肯修昇天之道曰天上多至尊相奉事更苦於人間又顧況集五源訣番陽仙人王遜琴子高言下界功滿方超上界上界多官府不如地仙快活皆公詩意所本也

記夢 羅縷道妙角與根注辰角大星蒼龍之角舉正 星當作辰 六字常語一字難注魯直云只前句中哦字便是所難此乃爲詩之法樊按羅謂纏綿也山谷所云殊失詩意

南內朝賀歸呈同官 陳少章云南內興慶宮也新史穆宗母郭太后居興慶宮期

望三朝穆宗率百官詣宮門上憲則此南內朝賀乃朝太后也此詩疑除京兆尹後作愚按陳解南內甚確至謂詩作於除京尹後則非也元和十五年穆宗卽位九月辛酉公拜國子祭酒冬暮至京師明年爲長慶元年七月庚申轉兵部侍郎是月乙未朔庚申二十六日此詩當是方官祭酒未轉兵侍時作唐百官志國子祭酒從三品于致官九列齊句正合前漢韋玄成傳恤我九列師古注九列卿之位唐初太常光祿衛尉宗正太僕大理鴻臚司農太府皆從三品天寶初升太常宗正爲正三品餘如故國子祭酒官秩正與之齊也詩中況於經籍深豈究端與倪及所職事無多句尤爲官祭酒之明證若官京尹則綱紀衆務職事多矣安得作此語陳以法吏指李紳亦鑒題注皇城在西北隅謂西內洪注未明晰當云太極宮在西曰西內余惟憲書生注憲音憲憲陟降切憲丑江切雖憲亦有陟降切一音然不得云憲音憲也

朝歸 峨峨進賢冠耿耿水蒼珮注唐志百官朝服皆進賢冠諸佩五品皆水蒼玉
舊史輿服志進賢冠三品以上三梁五品以上兩梁九品以上一梁諸珮一品佩山玄玉二品以下五品以上佩水蒼玉注未詳晰 進乏犬雞效注犬雞事取

孟嘗君雞鳴狗盜之意補 按詩意以犬雞有司夜司晨之效謙言已不能如也
注蔓引孟嘗事非是

雜詩四首 題注樊本作四首 四當作三嘉祐杭本如此樊氏仍之然諸本皆作
四首 截榦爲構榦注榦音老又音榦 當云又音榦 束蒿以代之注或作茨
茨當作茨

讀東方朔雜事 倭入雷電室注昔爲太山上仙官令僰 官一作宮 兩手自相
接注接奴禾切與接同 說文接推也 一曰兩手相切摩也 奴禾切徐鉉等曰今
俗作接非是 向觀睥睨處注莊子雖羿逢蒙不能睥睨注猶斜視也 祖 莊子
山木篇雖羿蓬蒙不能睥睨也 瞒莫練反舊莫顯反或作睥曾計反睨音詣李云
邪視也

譴瘞鬼 未沫於前徵注選劉孝標書音徵未沫正舉 沫當作沫注並同音上當補
余悲其三字舉正原文亦有之 豈不忝厥祖注詩無忝爾祖孫 爾當作皇按
忝厥祖全語見書太甲

示兒 前榮饌賓親注故李華含元殿賦又有風雨交四榮之說 雨字衍李賦出

句雲薄萬根見唐文粹 有藤婁絡之注婁或作縷又作婁音縷 又作當改方
云 茗梨以相娛注唐人詩云星宿天圍茗冢子地握梨茗奕也梨博也洪此北
齊高昂雜詩非唐人詩也二語當乙見散顏錄傳當作博

庭楸 此詩當是元和十一年五月降太子右庶子後作酬盧雲夫曲江荷花行所
謂官閒得婆娑也結以不往權門自憐意尤可見矣 庭楸至五株共生十步間
雜五行書舍西種楸梓各五根子孫孝順口舌消滅也齊民要術種楸梓法宜
割地一方種之兩步一樹此樹須大不得概裁錄之見公詩無一語無來歷且無
一字虛設也

和李相公攝事南郊覽物興懷呈一二知舊 舉正此詩及後詩題首皆有奉字此
南郊之祭當是季秋大享帝新史禮樂志云迄唐之世季秋大享皆寓圓丘詩亭
亭寒露朝寒露正九月節川原村樹二連皆秋景而中田稼饒尤季秋之明證也
惟彼顚暝者注暝从目古眠字徐鍇曰今俗別作眠非也舉 說文作臣鉉等檢
說文繫傳亦未見楚金有此語當是方氏誤記

和裴僕射相公假山十一韻 磯溪釣何激注選阮籍勸進表呂尚磻溪之漁者

此嗣宗爲鄭冲勸晉王廢非勸進表也

與張十八同效阮步兵一日復一夕 題注情神自損消正 情當作精 譬如兔得蹄注繫辭曰得兔而忘蹄 陳少章云此莊子外物篇語王弼周易略例引之繫辭無此文愚按魏本孫注莊子蹄者所以在兔得兔而忘蹄兔網也廖氏多採魏本注語不知何以遺此

送諸葛覺往隨州讀書 鄒侯家多書注李泌封鄴侯母 因學紀聞考史類李泌父承休聚書二萬餘卷誠子孫不許出門有求讀者別院供饌見鄴侯家傳鄴侯家多書有自來矣愚按此詩鄴侯卽指李繁蓋襲父封也公處州孔子廟碑亦云刺史鄴侯李繁 一一懸牙籤注以別經子史集韓子史二字當乙

南溪始泛三首 瓢形可與致注可又作事非是 按舉正可作事乃下句佳觀安可擲之可字也當改正 佳觀安可擲注史記秦泰山刻石文從臣嘉觀云云此始皇紀二十九年登之栗刻石文非泰山也

卷八

城南聯句 盜嘵接彈驚注杜詩啾啾黃雀嘵祝 集作啄與嘵通 禮鼠拱而立

注陸機云河東有大鼠能人立

補

河東說文作江東關尹子三極篇聖人師拱

鼠制禮闈百詩云陳第季立云相鼠似鼠頗大能人立見人則立舉其前兩足若拱揖然會於薊門山寺見之僧曰此相鼠也及檢坤雅已有載矣蓋見人若拱似有禮儀詩所以起興也今解曰相視也鼠蟲之可賤惡者意義索然按說文引此詩亦以相爲視誤已久矣余讀毛詩已云然闈說見困學紀聞評詩類注 桑蠖見盧指注孫汝聽曰蠖桑上蟲名虛指言空有迹耳 顧俠君注云爾雅翼釋蟲尺蠖屈伸蟲也如人以指度物移後指就前指之狀古所謂布指知尺者故謂之尺蠖按此說體物微妙與公詩意合足訂孫注之譌 沙篆印迴平注洪慶善曰華山有青柯平種藥平因地之平處也 平處下當从原注補以爲名三字 村稚啼禽猩 曲禮猩猩能言不離禽獸故曰禽猩 相殘雀豹趙注玉篇翹趨黨也 黨當作黨 遊旋皮卷櫛注櫛力衰切卷櫛見莊子 遊當作遊力衰切當作力充切卷櫛莊子在宥篇作櫛卷司馬彪注不申舒之狀也 賽饌木盤簇盤舉正作槃 土怪閃眸注土之怪者犧羊缶也韓 者缶二字俱衍 破筭伊威盈注詳見上送區引詩注 引當作弘 寶唾拾未盡玉啼墮猶鎗注唾或

作碣

陳之齊本

或作題

正舉

按當从陳方本此與上連劍石獸材正一類朱子謂上

下文意皆言婦女事竊疑其說未當

青眉聳瑤楨注楨說文曰木也

韓

木上

當補剛字

浙卡炊香梗注魏文帝嘲王朗曰不能效君昔在會稽折粳米古浙

作折本多作浙

見魏畧文帝當作武帝折粳米今本仍作折粳米古浙

當改浙本上脫諸字多作浙之浙當作浙按當从諸本作浙爲是

痺肌坐空瞠

考異今按莊子瞠若乎其後瞠直視也言坐久而無所見也

詩意謂坐而直視

諸伶奏技非坐久無見之謂也莊子田子方篇回瞠若夫後矣又云回瞠若乎後

者均無其字

聚巧競採笑注唐人多書叢作聚楚詞及舊本韓柳集皆然今本

尙見一二

正舉

聚俗字當作叢見上原文有間字

桑變忽蕪蔓樟裁浪登丁霞

闕詎能極風期誰復廢注晉習鑿齒傳風期超邁韓注已上言京都人士繁華之

習

超邁當作俊邁此四句言滄海桑田忽焉變易浪伐木以爲宮室臺榭高興

未極而風流不可再矣大有生存華屋零落山邱之感韓注慨謂人士繁華恐非

是

肇初遇周羸注史記昔周邑我先秦嬴於後祀秦本紀後作此

傳經儻金

賦注漢書韋賢父子皆以明經孫

明經下漢書本傳有歷位宰相四字孫注原

文亦然刪之則語意未足 楓檣至南荆注華楓梓櫧祝 句見司馬相如上林賦
梓作梓與偶音義通 畏升躡登闕注字見揚雄校讎賦蜀本登作鑿竹盲切鑿宏屋響也正舉
校獵賦涉三皇之登闕韋昭注登高也闕大也鑿字不見字書方氏屋響之說未詳何本 春游譜羅靡注楚詞蘋草靡靡祝 句見淮南王招隱士篇
蘋當作蕪 遠苞樹蕉樹注櫻一名栟櫚孫選栟櫚拘櫻祝 櫻當作櫻選句見左思吳都賦櫻作根善注根音郎 鴻頭排刺茨注北燕謂之鴻頭或謂之鴻頭補注
鴻或作鴻非鴻頭當作雁頭 趙燕錫媚姬注秦晉謂好曰媚娥按姬當帝堯之女舜妻娥皇字娥姪祝 說文姪長好也注十八字膠輒不清概可從芟 抑橫免官評注已上言門地簪紱之家韓 一本作門第簪纓之盛
血路进孤囊 按爾雅釋獸麌大麋牛尾一角麌音京俗作麌 妖殘梟鵠柙注爾雅鵠鷩鷩其音各者烏鵠水鳥也考異 鵠爾雅原文作鷩音欺廣韻始出鷩字鷩無各音各當作洛 威暢捐轔轔注後漢光武紀轔轔碰城注轔陷陣車也轔樓車也韓 毛刻後漢書轔作衝注衝橦車也按橦車卽陷敵車陷敵車見說文

轔字下注非後漢書注也陷从召不从召陣俗字當作敵通作陳輜訓樓車本說文亦見光武紀注毛刻說文作兵車段注据此改正 採月漿坳泓注坳不平也
祝正 注本說文不平上當補地字 蜒垣𧆸𧆸注謂蜿蜒於墻屋之間舉屋方氏原文作垣當改正 碎纈紅滿杏注今从閣本云唐小說云云 當云方从三館本云曾本亦作碎唐小說云云 陶埴逐風乙 說文繁傳乙字下云此與甲乙之乙相類其形舉首下曲與甲乙字少異

會合聯句 剝苔弔斑林注以草壞洗去之洪 壞當从原本作穢

幽響泄潛聲

注爾雅蟋蟀曰螻孫 曰字衍 江疾有餘腫 說文广部脛氣足腫本作瀆从广童聲籀文从允按小徐繫傳云濕地則生此疾此詩所謂江疾也 我家本灤穀注灤水名在河南穀城也 灤當作灤在當作出也當作山

鬪雞聯句 峙嶸顚盛氣 疾視而盛氣見莊子達生篇正門雞故事也 碓毛各

嚙痒注韓渥詩 渥當作偓 毒手飽李陽注孤昔日厭卿老拳又杜子美義鵠

行所謂巨頸折老拳樊昔日當作往日折當作拆 神植因朱亥注云謝本云貞元本毒手作尊拳云云神植尊拳遷皆借用字耶正 舉正此下有云諸聯句多

元和初年作謝只當云唐本可也

事爪深難解注漢蒯通傳事刃公之腹中

正舉

漢書蒯通傳慈父孝子所目不敢事刃於公之腹者畏秦法也史記張耳陳餘傳事作傳無所目及于字腹下有中字此引漢書當存于去中再接再礪乃注莊子曰是其所以乃斃或作再礪乃鋸乃鋸乃接猶接戰也

正舉

是下脫自字見莊子

大宗師篇乃鋸之乃魏本作再嘉祐杭本側注同鋸當作鋸猶一作謂

納涼聯句

韓

題注公元和改元六月自江陵掾召入爲國子博士至是七月與東野

會京師聯句

韓

七月當作閏六月見憲宗元和元年紀詩作于閏六月下旬故

日微微近秋期也

閃紅驚拗虬注楚詞蒼龍蚴虬於左右

孫

楚詞惜誓篇左

右作左驂

非時結冰雹注大戴禮曰陽之專氣爲雹陰之專氣爲雹盛陽之氣

在雨水則溫暖而爲霰陰氣薄而魯之不相入則搏爲雹也

大戴禮天圓篇曾

子曰陽之專氣爲雹陰之專氣爲霰與此注正相反又漢書五行志引劉向洪範

五行傳曰盛陽雨水溫暖而湯熱陰氣魯之不相入則搏爲雹盛陰雨雪凝滯

而冰寒陽氣薄之不相入則散而爲霰注並以爲大戴記文且訓陽氣爲霰霰搏

爲雹尤乖謬之甚者也

喝道者誰子注莊子云喝者反冰乎冷風祝

反冰莊

子則陽篇作反冬

洗矣得滂沱注徐廣洗先典切洗矣猶洗然也

舉正

文云徐廣洒先典切選夏侯常侍誄洗然變色實用史記語

范睢傳羣臣莫不洒然變色易容

陵義李詩洗然遇知已洗矣猶洗然廖氏刪節太過且傳錄有誤遂至不可讀耳

忽然鳴鶯驚注然驚鳴于岐山孫

岐當作岐煩懷却星星騎劉夢得詩自

羞不是高陽侶一夜星星騎馬回

舉正

揚州春夜獨醒詩星星今集作惺惺長

箋倦還捉注方言扇白闌而東謂之箋孫

箋方言作箋廣韻箋與箋同賈勇

發霜硎注莊子刃若新發於硎孫

見養生主篇刃上脫刀字儒庠恣游息注

禮樂記游焉息焉韓當云息焉游焉酒釀欣共歎枚乘柳賦空銜鮮而歎

釀見西京雜記

秋雨聯句

題注蓋憲宗元和初命高崇文討劉闢時故也樊故字衍按史元和

元年正月詔崇文討闢是詩有剝節風搜兌句乃元年八月所作至季秋則蜀平

矣市舍煎熬休注選心侈體汰祝張平子西京賦語多當作麥感禹勤畎

注澆百里之間廣二尋深二仞曰澆孫百里當作方白畝離屣不能翻注魚

尾何離屣舉卓文君白頭吟離屣今本作篠屣方扶南云晉時樂曲作離篠屣

竹不从艸

征蜀聯句

竹兵彼皴腕注皴說文細皮起也樊

細皮當作皮細

翻霓紛偃蹇

注枚乘七發曰旌旗紛偃蹇

注紛字衍 逆頸盡徽索注楊雄解嘲亡命免於

徽索

楊當作揚原文云范睢魏之亡命也折脣搘豁免於徽索此當刪亡命二

字

斷臂仍瓢瓠注字書無駁字正舉

駁當作瓢

跳鋒狀驚納注字當从豸今

本多从豸从簡也

正舉

豹爾雅作貓所謂無前足者也廣韻始收納字今本作猶

尤非

旆亡多空杠注杠旌旗干也

韓幹當作竿

投壺闌磈礧注壺與礧同

廣韻軍戰石也祝

苑廣韻集韻只訓大無與礧同及軍戰石之說

闡寶撰窟

窩注窟說文物在穴中

注集

窟說文作窟穴中下當補兒字 呀叻叫冤跣

魏本作黜廣韻十四黠黜屈也五骨切與上冤字義正相貫當从之

載實駝鳴

圓注橐垂鈴棧駝鳴

補注

鈴當作鈴 刀暗歇齊晉注刀刀斗也諸本多誤

正舉

此二刀字舉正改作刀按漢書李廣傳不擊刀斗以自衛方言十三注刀斗訓小

鈴也又莊子齊物論而獮不見之調調乎之刀刀乎後漢書宦者傳序豎刀亂齊

讀皆若鈴而字正作刀方氏改作刀謂諸本多誤是以不狂者爲狂也朱子考異

已辨之矣 及歸柳嘶蛩注爾雅蟻似蟬而小祝 螳下當疊蜻字 報力厚
麸耗或作𧔗 𧔗當从革作𧔗下同 維用贊勲勣注書女勣忘商獻臣或 贊
當作贊殷獻臣之殷作商宋人避廟諱故也

同宿聯句

巧舌干皆𢂑注𢂑說文曰牛舌病巨禁切

舌當从干作舌凡从舌旁

者放此𢂑訓牛舌病渠蔭切見玉篇說文無此字 盜索不敢沁注恐此沁字當

讀之猶汲也 之字疑王本注云不敢沁言不敢汲也 白鵠叫相暗注暗閣本
作暗 舉正閣本暗作音 按音無去聲左傳文十七年鹿死不擇音杜預雖訓
爲蔭苑而陸氏釋文不音則音止通蔭不通陰且與叫字義不貫知閣本誤也

雨中寄孟刑部幾道聯句

欲知相從盡靈珀拾纖芥欲知相益多神藥銷宿憊注

吳書虞翻曰虎珀不取腐芥韓相益多或作從益舉正引校本 相從盡不可解恐當

从下句謝校作相從益或以下相益多句重複爲疑不知蟬聯而下意義尤妙也
然無本可校姑存其說于此虎珀今吳志作虎魄音義同 祥鳳遺蒿鸚注蒿鸚
意見莊子鸚與鳩同祝 莊子逍遙遊斥鳩翔蓬蒿之間釋文鸚於諫切字亦
作鸚 聽場再鳴先注襄二十一年先二子鳴杜注云比於雞鬪勝而先鳴孫

比上當補自字 惟當騎款段 段當作段注同

遠遊聯句

題注習之之詩見于世者此而已大率詩非其所長也矣

按習之不

能詩而唐詩紀事記其刺朗州日有贈藥山僧維儼絕句云練得身形似鶴形千

株松下兩函經我來問道無餘說雲在青霄水在鉢再贈云選得幽居愜野情終年無送亦無迎有時直上孤峯頂月下披雲嘯一聲二詩頗有風調然恐非習之作

習之學于昌黎亦以崇正黜邪爲已任豈屑于縉流作此贊許耶又鄭州嘗掘

地得刺史李翹戲贈詩云縣君愛壞渠邊水恣行遊鄙性樂山野掘地便成溝兩

岸植芳草中間漾清流所尙既不同磚鑿各自修從他後人見景趣誰爲幽此別

一李翹非習之也唐書習之傳不記其爲鄭州王深甫編次習之集乃收入此詩

露猿夜啾啾注露說文雲覆日也孫

露說文作齡入雲部此旁从立或傳錄

之誤 乘桴追聖工注說文桴編木以渡也孫 按說文木部桴棟名無編木以

渡之說惟水部汎下云滑編木以渡也从水付聲玉篇始訓桴爲編竹木謂大者

曰筏小者曰桴并引論語乘桴浮于海 躬輦自相勸注選非余之所勸祝 語

見陸機文賦余下脫力字 開弓射鷗噭注古文尙書亦作驕兜爲鷗噭孫 作

當改以 路暗執屏翳注時若暖將混濁兮孫 暖當从日作曖曖下當疊曖字

波驚穀陽侯注陽雄熒

陽當作揚

淑問無告休注漢康衡傳

匡衡作康

衡宋人避藝祖廟諱也然臨文不諱祇宜缺筆不當改字

晚秋鄆城夜會聯句

題注此篇公與正封作於鄆城凡百餘韻注集

餘字衍 從

軍古云樂注梁劉孝義 義當作儀

談笑青油幕注宋劉瑀詳譏朱修之云

朝居青油幕下孫沈約宋書劉穆之傳穆之孫瑀與顏竣書曰朱修之三世叛兵

一旦居荊州青油幕下作謝宣明而見向注過于刪節則譏字之意不明

夷凶

匪兼昧注書兼弱攻昧昧孫

下昧字衍 百牢犒與師注無令與師陷入君地

孫 陷入當作淹於

小夷施毒蠶注前漢不若蠶蠶之致蠶祝

見蒯通傳若

當作如又漢書刑法志百姓新免毒蠶

雨矢逐天狼注天狼星在東井孫

東井下當補東南二字

電矛驅海若注老子海神曰海若韓

若海神見莊子秋

水篇向若而歎句注老子無此語

力戰誰敢却注霍去病傳云力戰一日餘士

不敢有二心

霍去病傳當作衛青傳

峨峨雲梯翔赫赫火箭著注諸葛亮攻

郝照於陳倉以雲梯衝軍臨城中照以火箭射之韓

事見魏略郝照當作郝昭

衝車當作衝車

浮橋交萬笮注說文曰笮也

舉正

笮說文作笮

超乘如猱攫

注左氏秦師過周北門超乘者三三乘轂

下三字當改百

逢掖服翻懸注禮

記儒行儒有衣逢掖之衣孫

儒有二字當刪

漫胡纓可憐注莊子冠曼胡之

纓祝

見說劍篇冠字當刪

虎豹貪犬羊注後漢鄭太傳驅虎兕而赴犬羊

驅上當補讐字而當作以

憑軾論昏迷注左傳二十八年君憑軾而觀之孫

憑左傳作馮同按此當用漢酈食其馮軾下齊七十餘城事舊但安坐乘車而游說不用兵衆也執殳征暴虐注正封詩頤緝類事實然亦有取用未精處執殳乃衛人刺行役過時而不反不知正封何以用此孫按孫氏說詩太泥當刪之

東西競角逐注左傳晉人逐之左右角之孫

左襄十四年傳讐如捕施晉人

角之諸戎掎之孫注引同不知徐本何以錯誤如此

鬼薪懲不恪注文帝三歲

刑曰鬼薪

按鬼薪已見孝惠紀

桃塞與錢鉛注北有重險桃林之塞

北當

作左重險上脫崎齒二字

策勳封龍領注漢衛青傳韓說封龍領侯史或作龍

領按史記建元以來侯者年表元朔五年四月

了未封韓說爲龍領侯漢書衛

青傳同師古曰領字或作額則正文當作額也注誤

葩鬱傾墾落注楚詞美人

既醉朱顏酡樂天詩銀含鑿落盡祝 酣下當補些字舊集作璣同 安存惟恐

晚注後漢馬融贊生厚故安存之念深 念當作慮 宇宙重開拓注苗泰交廣

記 泰當作恭 此年名作疆注元和二年歲在丁酉孫 二年當作十二年

洪教方下究注淮南子號令不能下究漢燕王曰傳主恩不得下究正舉 號令

下無不字舉正同此誤增不得當作不及舉正亦誤 吾相兩優游他人雙落莫

唐書宰相表元和十二年七月裴度守門下侍郎同平章事戶部侍郎崔羣爲

中書侍郎同中書門下平章事故曰吾相兩優游前年八月韋貫之與度爭論上

前罷知政事是年九月李逢吉先免相出領劖南所謂他人雙落莫者殆指此也

門爲登壇蓋注君自宮中召將詔之鑿凶門而出孫 中字原文所無今刪

九遷彌簪諱注任彥外孫 外當作昇 窯筵盡狐趙注左昭十七年晉文公有

士狐偃趙衰孫 十七年當作十三年士下當補注字 五鼎調勺藥 晉灼子

虛賦注南都賦曰歸雁鳴蘋香稻鮮魚以爲勺藥酸甜滋味百種千名此以勺藥

爲調和也李善曰服氏一說以勺藥爲藥名晉氏和調之言於義爲得 誘接謂

登龍注謂或作諭登龍門見後漢李膺事孫 謂當作諭諭猶譬也古諭字訓譬

者如前漢賈誼傳蹟追傷屈原因以自諭是也玉篇廣韻始出喻之字李膺事之
事當作傳但擲屈笑金注鮑明遠白紵曲曲當作歌生堂合聲鑄注大鐘
謂之鑄注亦名鑄祝亦上當補鑄字割烹豚脾臍注說文臍口上也孫子說
文三篇谷口上阿也从口上象其理或作哿康或从肉从臍作臍注口上下當補
阿字山多離隱豹注列女傳云南山有玄豹隱霧雨十日不下食霧列女傳
霧上無隱字十作七日下有而字道舊生感激注漢高紀道故舊爲笑樂霧
故舊當作舊故市海賜醕醕注漢律須有詔令乃許大醕醕醕會聚酒也
漢文帝紀醕五日服虔訓會聚飲食醕史記貨殖傳徐廣云會聚食說文會飲酒
也此或參用其說酒上當補飲字取歡移日飲注漢夏侯嬰傳與高祖酈未嘗
不移日又田蚡傳田蚡傳下當補承相入奏事語移日八字求勝通宵博注
北史李隱好學隆寒達曙盛暑通宵寒木傳作冬五白氣爭呼注楚辭招魂
有成巢而卒呼五白晉有字當刪白下當補些字三攷宿楊柞注禮記天子
無事則藏三攷長楊五柞漢二宮名在鰲厓縣收禮王制止作田按田攷古通
用盤當作盤今作盤下从血不从皿農書乍討論注漢藝文志有農家書九百

一十四篇 當云漢藝文志農九家百一十四篇 我僕或歌騷注爾稚徒擊鼓

曰騷孫 曰騷當作謂之騷 庸用存糟柏 糟魏本作糠非

卷九

又魚招張功曹 題注出爲南方縣集 縣下脫令字 盈車欺故事注得魚焉孫

魚上脫鱗字 釣渭日徒消注史記呂尚年老魚釣樊 魚當作漁 何須強

問鵠注問于子鵠 鵠漢書賈誼傳作服

李員外寄紙筆 蘭淨雪難知注義之製蘭亭用蠶繭紙書之韓 蘭亭下當補序

字

次同冠峽 懸流揭浪揺 摆當从魏本作標

郴州祈雨 神降越巫言注史記漢武帝令越巫立越祠祝孫 祠祝當作祠

行看五馬入注南史柳景元兄弟五人並爲太守時人語曰柳氏門庭五馬逶迤
洪 按南史惟有柳元景而元景傳不載五馬事豈別有所據耶

郴口又贈二首 迴頭笑向張公子 漢五行志成帝時童謡云張公子時相見謂
張放也杜贈翰林張四學士垍詩云天上張公子又送張十二參軍赴蜀州詩云

好去張公子及公此句俱源於此

喜雪獻裴尚書 漢急聽憲知注借問火城將策試注補 窓當作窗借集作爲書

文鳥篆奇注索靖書狀蒼頡旣王書契是爲科斗鳥篆 王當作工 擬鹽吟舊句注散鹽空中差可擬樊 散世說作撒 授簡慕良規注謝靈通雪賦曰梁孝王授簡於司馬大夫曰爲我賦之樊靈適當作惠連我當作寡人 摧瞬同燕石注有客觀之孫 有當作周

和歸工部送僧約 汝旣出家還擾擾何人更得死前休 按舊史歸登字沖之崇敬子順宗初以東朝舊恩超拜給事中遷工部侍郎累遷工部尚書與孟簡等受詔同翻譯大乘本生心地觀經蓋深於禪悅者公詩揶揄僧約亦隱以諷歸也香祖筆記嘗載廣州贈大汕向吳園次綺自述酬應之苦吳笑應之曰汝旣苦之何不出了家座客皆大噱又引楊誠齋詩云袈裟未著言多事著了袈裟事更多古今緇流正如一邱之貉耳

入關詠馬 題注元和元年夏入江陵召拜國子博士韓 入當作自 不知何故
翻驥首注韻延年賦望西極而驥首 起白馬賦望作眷

梁國惠康公主挽歌二首 龍輜非厭翟注選潘岳寡婦賦龍輜儼以星駕兮 以
當作其 奔月寬淪輝注羿妻嫦娥竊而奔月孫 淮南子覽冥訓嫦作姮而作
以

和崔舍人詠月二十韻 蘭疎物象冷 蘭當從魏本作蕭 無田拾落葉注堯皆
有蓂孫 皆當作堦

詠雪贈張籍 歷亂竟誰催注梁書豫章王綜鳴鐘詩歷亂百愁生 鳴鐘詩當从
本傳作聽鐘鳴辭 真是屑瓊瑰注王氏塵史云說文以瓊爲赤玉比見人詠白
物多用之韓愈雪詩真是屑瓊瓊按廣韻與玫瑰又今朝踏作瓊瓊跡按此瓊字當改瑤別有所
稽耶豈用之不審也補 唐音癸籤瓊爲赤玉見說文但毛詩傳言瓊非一惟云
玉之美者非以爲玉色名詩傳在說文前尤可據陳張正見應應衡陽王教詠雪
詩睢陽生玉樹雲夢起瓊田隋王衡翫雪詩璧臺如始構瓊樹似新栽並作白用
不獨謝惠連雪賦林挺瓊樹句也按左傳僖二十八年楚子自爲瓊弁注玉之別
名成十七年或與已瓊瑰注訓玉疏訓玉之美漢書揚雄傳上精瓊臙與秋菊兮
應劭注玉之華也皆不作赤玉解今段氏說文改赤爲亦謂倘是赤玉當廁瑞瓊

二篆間其說甚辯可以正從來沿習之誤矣 娥嬉華蕩漾注娥恒娥見淮南子孫覽冥訓恒作姐 挤排陸級纔注史記擠排莊助買臣祝 挤排史記作排擠買臣二字當刪去酷吏張湯傳湯爲廷尉治淮南獄排擠莊助買臣固心望上句助字絕下句望字絕注于句讀殊不分明 包羅委瑣該注漢相如傳豈特委瑣握蹠 瑣當作瑣握當作握手 悠悠市九垓注風俗通十兆曰經十經曰垓國語天子之田九垓以食兆民祝 經當作京祝注下二句本楚語垓實作陔按鄭語王者居九垓之田收經入以食兆民韋昭注萬萬爲垓注當引此 高愁撒斗魁注北斗第一至四爲魁第五第七爲標孫 孫注所引見春秋通斗樞第七當作至七標當作杓 岸類長蛇攏注岸類或作堰似 堰當作堰

附王二十舍人雪中見寄 題注王涯爲舍人見王適墓誌本傳略之正 按舊史王涯傳涯于元和九年八月正拜中書舍人是本傳並不略之十年卽轉工部侍郎此詩九年冬作 爲有詩從鳳沼來注從或作仙 舉正胡元任云若詩仙殊失見寄之意

奉和庫部盧四兄曹長元日朝迴 題注國史譜云兩省相呼爲閣老尚書丞卽相

呼爲曹長洪 譜當作補卽當作郎 天子嘗嚴建羽旄 仗不加點唐儀衛志

凡朝會之仗三衛番上分爲五仗一曰供奉仗二曰親仗三曰勳仗四曰翊仗五曰散手仗皇帝陞御座內謁者承旨喚仗朝罷皇帝步入東序門然後放仗伶工

謂夜警爲嚴天子將出前發七刻擊一鼓爲一嚴前五刻擊二鼓爲再嚴前二刻擊三鼓爲三嚴諸衛以次入陳殿庭 金爐香動螭頭暗注唐會要云漢柏梁殿

災越巫言海中有魚虬尾似鷁激浪則降雨遂作像于屋以厭火災亦作螭字孫

孫本螭作鷁故有此注而實非也雍錄殿前螭頭蓋玉階扶欄上壓頂橫石刻

爲螭頭之狀也以橫石突兀不雅馴故刻螭以文之又唐百官志起居郎舍人分

侍左右秉筆隨宰相入殿若仗在紫宸內閣則夾香案分立殿下直第二螭首和

墨瀋筆皆卽坳處時號螭頭 玉佩聲來雉尾高戎服上趨承北極 儀衛志皇

帝步出西序門索扇扇合皇帝陞御座扇開左右留扇各三左右金吾將軍一人

奏左右內內外平安所謂戎服上趨也 儒冠列侍映東曹 按儀衛志文班自

東門而入或卽所謂東曹耶 郡署何須歎二毛注不擒二毛孫選潘安仁秋興賦余春秋三十有一始見二毛矣 擔左氏作禽賦下當補序字

寒食直歸遇雨 不見紅愁上注劉向別錄曰踏鞠黃帝所造孫 字書無踏字他書引別錄皆作蹙鞠

送李六協律歸荆南 題注李協律翹也孫 舉正云舊本皆不著其人今注翹字者非

題百葉桃花 題注公元和十年知制誥時作韓 詔當作誥 故件仙郎宿禁中注尚書入直臺廡中給使史一人集正唐人任郎官多稱仙郎尚書下脫郎字使史當作侍史任一作諸

戲題牡丹 題注得白牡丹一窠植於長興私第至德中馬僕射領太原各得紅紫二色者移於城中樊 原本長興作長安各作又當據改

盆池五首 恰如方口釣魚時注亘溫敗枋頭舉正 亘當作桓宋人以欽宗廟諱避之 夜半青蛙聖得知注聖或作聽 山谷早梅詩羅嶂翠幙深調護已被游峰聖得知本此作聽卽意味索然矣且上句不言聲音聽字亦突出無根也

芍藥 題注知制誥樊 詔當作誥

竹溪 落水紫苞香注少陵竹詩有雨洗娟娟淨風吹細細香前輦嘗云竹未嘗有

香而少陵以香言之豈知公亦有落水紫荀香之語乎 按晉江逌竹賦已有振
葳蕤芳之語但未明見香字耳

北湖 尋當到此迴 當王本魏本均作常應从之

稻畦 稻當作稻 鄭布畦堪數注桓譚新論守邊隅趨作郢以自生於小地異
選韋昭博奕論所務不過方郢之間春注桓譚新論俗有圃葵下者守邊隅趨作
郢自生於小地與朱子所引小異

方橋 方橋如此作注白樂天皮日休詩皆自注曰音佐正舉 按朱子引廣韻云作
將祚切而以讀如佐爲將祚切之訛然廣韻三十八箇原有則箇切一音則音佐
亦非訛也

梯橋 初疑躡菡萏 按何義門謂菡萏指蓮華峯非也此詩上句上青冥言飄飄
如騰空而橋下植荷花梯橋有級中虛故疑躡菡萏耳

遊城南十六首注十六詩非一日作編者類次之正類下脫而字

賽神 題注冬塞禱祀廣陵屬王殺牛塞禱孫 祀當作祠厲王下當補傳字

題于賓客莊 干頗卒于元和十三年八月此詩寫景荒涼當是十三年後作

贈同遊 更與盡情啼注復齋謾錄補注謾當作漫

贈張十八助教 題注時爲四門國子博士助教孫 按舊史張籍傳籍自太常寺太祝轉國子助教注四門博士四字衍 忽見孟生題竹處注公與孟郊嘗遊此有城南聯句至是郊死矣孫 孫注下尚有郊以元和九年八月卒九字當補入嘲少年 都將命乞花注漢乞揚生師 詞見後漢書儒林楊政傳揚當作楊

卷十

送李尚書赴襄陽八韻 題注按遜本傳遷戶部侍郎爲山南東道節度使又按襄州石本題名銜云檢校工部尚書李遜時遜蓋自尚書而出史略之韓 按工部尚書乃節使加銜所謂檢校也遜實自工侍出非自工尚出檢校之銜不備書亦史傳之常例非略之也舊傳遜後于元和十四年以國子祭酒拜許州刺史而新傳云檢校禮部尚書可證矣 五營兵轉牘 五營謂遜所領襄復郢均房五州之營也後漢書張奐傳率五營士圍寶武 風流峴首客注羊叔子嘗與客鄧堪登峴山曰自有宇宙而有此山矣 客當作從事鄧堪當作鄧濬而當作便 花豔大堤倡注暮至大堤曲韓 曲當作宿

和席八十二韻 緾衾夜直頻注供青綾白綾被孫 青綾當作青縗 巡池詠白

蘋注日落江南春孫 落一作暖

遊太平公主山莊 新史公主傳太平公主則天皇后所生先天二年謀廢太子事敗賜死主作觀池樂游原以爲盛集既敗賜寧申岐薛四王都人歲祓禊其地又長安志十一終南山在京兆萬年縣南五十里樂游廟在縣南八里據此則山莊之延袤可見矣

大行皇太后挽歌詞三首 一紀尊名正注后以永貞元年尊爲皇太后崩於十一年故曰一紀 按注十一年當補元和二字又憲宗于永貞元年八月受禪立莊

憲皇后爲太上皇后其尊爲皇太后在元和元年五月注亦未詳晰 玄堂掩太平注翠幣舒阜韓 币當作帝 配地行新祭注上文帝母薄太后曰高皇后配

食地孫 薄太后下當補尊號二字地下當補祇字 因山託故封注皇后合葬

豐陵孫 皇后當作皇太后 劍化會相從注此非君臣所宜言精注 君當作人空聞報曉鐘注報曉或作曉暮 舉正以臨長樂言之報曉爲是 畫翫登秋

殿注禮喪服大記畫翫二注漢制以木爲筐廣三尺高二尺四方兩角衣以布孫

喪下服字衍方當作寸布上脫白字

廣宣上人頻見過 題注宣有詩名號紅樓集注

名號二字必衍其一

和侯協律詠箏 挾勢欲騰騫 騫當作騫 羣強觸藩 淮南子繆稱解以黨
羣以羣強 廉知上幾番 杜三絕句會須上番看成竹按廣韻番字萬切音販
上番謂逐節而長也此作平聲用義同 婦孺咨料據注且將料簡世所希有者
正舉 將當作共

過鴻溝 按漢書高帝妃四年九月漢王欲西歸以張良陳平諫五年冬十月復追
項羽至陽夏南遂滅楚詩所謂勸回馬首者正指良平之言時平淮之功裴晉國
實贊之公亦與有謀焉蓋借以美裴且自喻也

奉和裴相公東征途經女幾山下作 題注女幾山在河南福昌縣三十四里樊
縣下當補西南二字 旗穿曉日雲霞雜山倚秋空劍戟明注洪慶善云以我之
旗況彼雲霞以彼之山况我劍戟詩家謂迴鸞舞鳳格 洪慶善云下當補一士
人云四字

郾城晚飲奉贈副使馬侍郎及馮李二員外 卽是連鑪向闕時注說文云鑪馬嘶

也韓·嗜當作衡

酬別留後侍郎 謂帥難居鄒穀先注趙襄曰鄒穀可據 襄當作襄

次硃石 題注諸本硃作峽今陝縣也地理志可考正 唐地理志硃石縣屬河南

道陝州陝郡硃新史作峽

和李司勳過連昌宮 題注連昌宮在河南壽安縣之二十九里然詩落句云云疑爲明皇所作而元微之連昌宮辭大槩詠明皇帝樊壽安縣下當補西字二十九里當作一十九里地理志可證所當作帝大槩下當補亦字

次潼關先寄張十二閣老使君 荆山已去華山來日出潼關四扇開 新史地理志虢州宏農郡湖城縣有覆釜山一名荆山元和郡縣志湖城縣東北至虢州七十里荆山在縣南虢州西北至潼關一百三十里自關至華州一百二十里故曰迎候遠也

次潼關上都統相公 題注都統謂韓弘也據 陳少章云淮西之平裴度以宰相督戰李商隱韓碑詩所謂屢懸相印作都統也注以韓弘當之誤愚按詩首句暫辭堂印即可知都統之爲晉公矣

桃林夜賀晉公 題注桃林在陝之靈宣縣云韓 按宣當作寶蓋桃林本縣名號
郡所隸武德元年屬陝州天寶元年獲寶符於縣南古函谷關因改名靈寶云
送李員外院長分司東都 兩地無千里 舊史地理志河南府在西京之東八百
五十里

晉公破賊回重拜台司以詩示幕中賓客愈奉和 題注愈因之 因下脫和字
獨釣四首 愈來傍釣車注坐觀刑柄來弄釣車爲一說畢正 說當作義

枯樹 猶堪持改火注馬融曰周書令有改火之文焚 令上脫月字

元日酬蔡州馬十二尚書去年蔡州元日見寄之作 上蔡州當作華州否則下二字複出爲贅矣方鎮表馬總遷忠武廢淮西節度總尋遷潼關李光顏復爲忠武節度增領蔡州所謂誰人領者指淮西節鎮廢後言之且以見擴戾之邦威懷非易總在華州當亦不能不分憂舊理也

詠燈花同侯十一 黃裏排金粟注黃裏排金謂額間花鉗也畢正 金下脫粟字

祖席 題注舊注云以王涯徙袁州刺史而作按舊紀涯刺袁州元和三年四月也
正 按舊史憲宗紀元和三年四月涯以翊皇甫湜對策忤宰相貶虢州司馬不

載其徒袁州刺史事傳亦略之新史本傳則紀其自號刺袁王宋賢以詩有菊鮮
木落句謂貶號在初夏徒袁當在深秋理或然也淮南悲木落淮南說山訓
故桑葉落而長年悲也庾信枯樹賦引作木葉落長年悲榮華今異路風雨苦
同憂苦當作昔

送鄭尚書赴南海

魏本題下云得來字 風靜鷁鷀去注國語海鳥曰鷁鷀矣

按魯語止作爰居官廉蚌蛤迴注東漢孟嘗爲合浦太守珠復還樊珠上當
補去字貨通師子國注師子國在南海中南上當補西字

左遷至藍關示姪孫湘題注責瑣高議云湘字清夫公姪也落魄不羈又公曰汝
能奪造化開花乎又湘曰事久可驗又公逸詩有徐州贈族姪云云注集按湘字
北渚宰相世系表老成子湘登長慶三年第大理丞本集第六卷有示爽詩韓仲
詔謂爽卽湘小字詩中有名科揜衆俊之句則非落魄不羈可知且湘爲公姪孫
不得以姪及族姪當之造化下衍開花二字可驗之可作方當依原文刪改
題臨瀧寺題注臨瀧韶州縣名韓唐地理志韶州曲江縣武德四年置臨瀧良
化二縣貞觀八年省是臨瀧乃舊縣名寺特假以爲名耳不覺離家已五千

舊史地理志韶州至京師四千九百三十二里

晚次宣溪 百首相隨愧使君注百或作白 舉正杭本作百首蜀本作白首此豈猶祭張署文所謂百篇在吟者耶白首非義

過始興江口感懷

憶作兒童隨伯氏

作猗覺寮雜記引作昨

韶州留別張端公使君

鳴笛急吹爭落日注唐本云蜀本亦作爭

按唐本上當

補方从二字

遊西林寺題蕭二兄郎中舊堂

中郎有女能傳業注其女文姬能誦憶父書無遺

誤韓

書下當補文字 伯道無兒可保家注皇天無知鄧伯道無兒矣

晉書

鄧攸傳皇天作天道鄧上有使字

題廣昌館

按元和志山南道隨州東陽縣本漢蔡陽地屬南陽郡後漢分蔡陽立

襄鄉縣周改爲廣昌據此則館乃用古縣名也

留題驛梁

繞墳不暇號三市注既封且號者三樊

既封下有左袒右還其封六

字此繞墳三市之義也不宜芟却

設祭惟聞飯一盤注荆楚歲時記祭子推文

黍飯一盤韓祭上當補孫楚二字黍飯當作麥飯

賀張十八秘書得裴司空馬 孫良臣云賀當作和按新史裴度傳度爲河東節度使穆宗卽位進檢校司空 題注或作酬張秘書因騎馬贈詩 騎當从舉正作寄觀詩首句便見張籍亦有謝裴寄馬詩 春風還擬並鞍行 按穆宗于元和十五年閏正月卽位是年九月以度守司空此詩有春風句是指長慶元年之春而言詩實十五年冬作

杏園送張徹侍御歸使 題注唐本云徹時以幽州判官趨朝半道有詔還之仍遷侍御史從張弘靖之請也杏園在長安城南其實徹已抵京但未朝見耳舊傳云續有張徹自遠使歸是也正舉 按舉正歸使作使歸又云諸本無歸使二字惟唐本有之此唐本上當从王本補方从二字蓋方从唐本有歸使而并乙爲使歸也徹時以幽州判官至末皆方語若刪去方从二字則直似唐本語矣大抵塵氏輯諸家評注例不著其姓名而抑知有斷不可不著者此類是也

雨中寄張博士籍侯主簿喜 半路蹋泥歸 按半路舉正作夜半朱子謂朝還無因至夜半似已然白樂天和公此詩結句云仍聞放朝夜誤作到街頭是亦以夜言之則方作夜半未爲臆斷也方又云文苑作半路頗有義固未嘗株守已見矣

憂麥作蛾飛注述異記晉太康中麥化爲飛蛾 太康富作永嘉

早春與張十八博士籍遊楊尚書林亭寄第三閣老兼呈白馮二閣老 按楊嗣復與白居易均以長慶元年十月爲中書舍人馮宿之拜中舍在二年此詩卽二年

二月作

奉使常山早次太原呈副使吳郎中 按雪王廷湊罪復以爲節鎮非公意也故此詩有微詞焉地失嘉禾言太平無象風存蟋蟀警太康也結則憂深思遠可于舌外得之地失嘉禾處注書唐叔得禾異畝同穎獻諸天子作嘉禾幹書下當補序字

和水部張員外宣政銜賜百官櫻桃詩 色映銀盤寫未停 曲禮御食於君君賜餘器之漸者不寫其餘皆寫注謂葷竹所織不可洗滌則傳寫於他器而食之不欲口澤之瀆也杜少陵野人送朱櫻詩數回細寫愁仍破

早春呈水部張十八員外二首 柳色如今深未深未王本作又

送桂州嚴大夫 江作青蘿帶注子厚詩海上羣山似劖鉛補注

海畔尖山

海上羣山柳集作

奉和李相公題蕭亭林亭
題注嵩第在城南布政坊見長安志樊
賓第在城南永樂坊志下云餘無所見
山公自是林閨主注山簡晉永嘉中爲
襄陽守峴山有佳園池孫
當云峴山南習郁有佳園池簡每臨此池輒大醉而
歸名之曰高陽池孫氏原注不闕
廳洞幽深門盡瑣瑣當作鎖

奉和杜相公太清宮紀事陳誠上李相公十六韻
舊紀天寶元年置玄元廟於大
寧坊二月辛卯親享于新廟二年三月壬子改西京玄元廟爲太
微宮天下諸郡爲紫微宮
輶標建夏家
輶見文子自然篇及呂氏春秋慎勢
篇史記夏本紀作穧河渠書作義漢書溝洫志同史記注引尸子作樞尙書益稷
正義又引尸子作輶說文車部作輶標見說文木部夏本紀作樞河渠書作樞溝
洫志作掘文字自然篇作樞淮南子修務訓作稊古書錯雜不符如此
紫極觀忘倦唐會要太清宮薦獻聖祖玄元皇帝奏混成紫極之舞
增陔宮夜闌注
相如曰聲增陔而似鐘音鋐宏祝
聲增陔而似鐘音相如長門賦語也祝注原
文句下云二字音鋐宏今刪去二字音二字但云鋐宏注家有此文法乎想徐氏
未見長門賦而以聲增陔而似鐘爲句故耳
唱研酬亦麗俛仰但稱嗟注亦或

作匪唱酬謂李杜稱嗟公自謂也舉
當四字

稱嗟舉正作興嗟公自謂也下有亦字爲